



Broj: 02-05-1-208/18
Datum, 30.01.2018.godine

ZAPISNIK

Sa 14. sjednice Općinskog vijeća Maglaj
održane dana 30.01.2018.godine u 09,00 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća i zaključaka Kolegija od 22.01.2018.godine, Programa rada Općinskog vijeća za 2018. godinu i ukazane potrebe otvaram 14. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Buljubašić Musafa, Bešić Mustafa, Fikret Delić i Kanita Bašić.

Poziv za sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 14. redovnoj sjednici Općinskog vijeća.

Današnjoj sjednici Općinskog vijeća prisustvuje 25 vijećnika.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 13. redovne sjednice Općinskog vijeća.

Da li ima primjedbi na zapisnik sa 13. redovne sjednice?

Vijećnica Irena Herceg, na strani 16. gdje se nalaze inicijative, gdje piše vijećnica Šahman Anida treba da stoji Herceg Irena.

Jednoglasno je verifikovan zapisnik sa 13. sjednice Općinskog vijeća uz ispravku na strani 16. umjesto Šahman Anida treba da stoji Herceg Irena.

Otvaram raspravu po pitanju dnevnog reda. Da li ima prijedloga za proširenje dnevnog reda? Nije bilo primjedbi ni prijedloga.

DNEVNI RED

1. Prijedlog Programa rada Općinskog vijeća za 2018. godinu;
2. Operativni budžetski/proračunski kalendar za izradu i donošenje Budžeta/Proračuna Općine Maglaj za 2019. godinu i Dokumenta okvirnog Budžeta/Proračuna za period 2019-2021. godinu;
3. Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2018. godinu
 - Radovi redovnog održavanja i rekonstrukcije lokalnih cesta sa saobraćajnom signalizacijom na području općine Maglaj u 2018. godini;
 - Zimsko održavanje lokalnih i nekategorisanih cesta i gradskih ulica na području općine Maglaj 15.11.2018. do 15.03.2019.godine;
4. Plan ulaganja na sanaciji i rekonstrukciji postojećih i izgradnja novih cesta i asfaltnih površina na području općine Maglaj u 2018. godini sa finansijskim pokazateljima;
5. Plan upravljanja i Program održavanja sistema javne rasvjete na području općine Maglaj za 2018. godinu;
6. Prijedlog Strategije razvoja Općine Maglaj 2012-2020. godine – revidirana za period 2018.- 2020. godina;
7. Plan i program rada «KJD» d.o.o. Maglaj za period 01.01. – 31.12.2018.godine;

8. Program javne higijene i zimsko održavanje gradskih ulica za 2018. godinu;
9. Prijedlog Odluke o davanju zemljišta na privremeno korištenje Komunalnom javnom društvu d.o.o. Maglaj;
10. Prijedlog Odluke o davanju zemljišta na privremeno korištenje Komunalnom javnom društvu d.o.o. Maglaj, za organizaciju zelene pijace;
11. Prijedlog Odluke o zamjeni nekretnina (Arnautović Have Amira) iz Maglaja;
12. Odluka o visini naknade članovima Općinske izborne komisije;
13. Odluka o kriterijima, mjerilima i načinu finansiranja parlamentarnih grupa političkih stranaka u 2018. godini;
14. Prijedlog Odluke o osnivanju Zdravstvenog savjeta na području općine Maglaj;
15. Odluka o davanju saglasnosti za imenovanje direktora JU «Dječiji vrtić» Maglaj;
16. Nacrt Odluke o određivanju prostora i objekata za javno okupljanje građana na području općine Maglaj;
17. Nacrt Odluke o komunalnom redu i sanitarnom minimumu;
18. Nacrt Odluke o javnom redu i miru;
19. Nacrt Odluke o prosječnoj konačnoj građevinskoj cijeni 1m² korisne stambene površine na području općine Maglaj;
20. Nacrt Odluke o izmjenama i dopunama Poslovnika o radu Općinskog vijeća Maglaj;
21. a) Izvještaj o radu Općinskog pravobranilaštva Maglaj za 2017. godinu;
b) Program rada Općinskog pravobranilaštva Maglaj za 2018. godinu;
22. a) Izvještaj o radu OIK-a Maglaj za 2017. godinu;
b) Program rada OIK-a Maglaj za 2018. godinu;

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Predsjedavajuća OV, ukoliko ima zainteresovanih gostiju za raspravu po pojedinim tačkama dnevnog reda prijave možete uzeti i prijaviti se, diskusije po pojedinim tačkama su 3 minuta, molim da se pridržavate tog vremena.

AD – 1 Prijedlog Programa rada Općinskog vijeća za 2018. godinu;

Predsjedavajuća OV, kao što znate na Kolegiju smo razgovarali o pripremama za izradu Programa rada Općinskog vijeća i 02.11. 2017.godine Služba Općinskog načelnika i Općinskog vijeća je prosljedila dopis za dostavu prijedloga za Program rada Općinskog vijeća za 2018.godinu. Dopis je prosljedjen na više od 50 adresa, svim rukovodiocima općinskih službi, svim javnim ustanovama i javnim preduzećima, svim političkim strankama koje participiraju u radu Općinskog vijeća, svim mjesnim zajednicama i svim udruženjima. Do 18.12.2017.godine prijedloge za program rada OV za 2018.godinu dostavili su Služba CZ, MZ Kosova i JU Centar za socijalni rad, a 20.12.2017.godine i Služba za privredu, finansije i razvoj poduzetništva. Na urgenciju Općinskog načelnika Službe Općine Maglaj su do 10.01.2018.godine dostavile svoje prijedloge koji su u cijelosti ušli u Program rada Općinskog vijeća Maglaj, kakav ste i dobili u materijalima.

Otvaram raspravu

Vijećnica Šefka Hasanić, Klub vijećnika SDA je razmatrao Program rada OV za ovu godinu i predlažemo izmjene po slijedećim tačkama.

29. da se u potpunosti izbriše prijedlog Odluke o načinu, kriterijima i postupcima izbora organa mjesnih zajednica na općini Maglaj i da se umjesto nje stavi izmjene Statuta Općine Maglaj. Na prethodnim sjednicama i na javnoj raspravi koja je održana po pitanju ove tačke upozoravali smo na nezakonitost ove odluke koja je bila također ista i na javnoj raspravi. Član 28. Zakona o principima lokalne samouprave je u suprotnosti sa odlukom koju smo imali u nacrtu i na javnoj raspravi. Također je u suprotnosti sa Statutom Općine Maglaj i Statutom mjesnih zajednica.

Pod 58. da se izbriše prvi dio naziva Izvještaj o radu boračkih organizacija općine Maglaj, a koji se sufinansiraju iz Budžeta Općine Maglaj. Po Zakonu o udruženjima izvještaj o radu udruženja podnose Skupštinama udruženja koja isti i usvajaju. Da ovo Vijeće ne bi kršilo zakon po ko zna koji put i miješalo vladin i nevladin sektor predlažemo da to bude Informacija o radu boračkih udruženja sa pravdanjem sredstava dodijeljenih iz Budžeta Općine Maglaj.

59. umjesto da nevladina udruženja na ovo Vijeće dostavljaju program rada za 2018. godinu predlažemo da to bude plan aktivnosti za 2018. godinu na sjednici mart-april, te da se za sjednicu novembar-decembar planira tačka plan aktivnosti za 2019.godinu sa potrebnim sredstvima iz Budžeta Općine Maglaj za realizaciju navedenih aktivnosti.

60. kako smo prethodno naveli kod tačke 58. o udruženjima, predlažemo da to bude Informacija o radu nevladinih organizacija i drugih civilnih organizacija sa pravljanjem sredstava koja su im dodijeljena iz Budžeta Općine Maglaj.

61. umjesto Program rada nevladinih udruženja i civilnih organizacija koje se redovno finansiraju iz Budžeta Općine Maglaj da samo ostane naziv Plan aktivnosti nevladinih organizacija i civilnih udruženja za 2018. godinu na sjednici mart-april, te da se za sjednicu novembar-decembar planira točka plan aktivnosti za 2019. godinu sa potrebnim sredstvima iz Budžeta Općine Maglaj za narednu godinu.

62 i 65. gdje se spominju Programi rada za 2018. godinu. Apsurdno je razmatrati na sjednici mart-april Programe rada JU i MZ, kad već na ovoj sjednici imamo planove i aktivnosti na održavanju, rekonstrukciji nerazvrstanih cesta i još niz odluka. Odluka koje se već odnose na tekuću godinu, u kojoj bi JU i MZ svojim planovima morale i mogle učestvovati, te bi to znatno uticalo na planove i programe. Na ovaj način JU i MZ mogu samo prepisati ono što mi donesemo na OV bez toga da mogu učestvovati i pitati se za nešto.

Vijećnik Hajrudin Ferić, replika

Moram da reagujem zato što se kontinuirano pojavljuju dezinformacije i teške optužbe na račun predlagača ovog materijala koji se nalazi u Programu rada OV za 2018. godinu. To kontinuirano ponavljanje da je nešto protivno Zakonu o principima lokalne samouprave ili Statutom Općine Maglaj, a ničim dokazano i utemeljeno samo predstavlja prije svega zloupotrebu ove govornice i obmanjivanje javnosti. Bilo koji član koji govori da je ovaj prijedlog Odluke u suprotnosti sa Zakonom o principima lokalne samouprave ili Statutom, slobodno kada dođe vrijeme za to pokažite i dokažite. I institucije i Komisija za propise su rekli i utvrdili da je sve u skladu sa Zakonom. To je jedno, a drugo ne može se povlačiti iz programa, odnosno sa rasprave nešto što je došlo do pola i što ovdje Općinsko vijeće treba ili da potvrdi ili odbaci. Donijeli smo nacrt Odluke, obavili javnu raspravu i treba konačno da se Općinsko vijeće odredi o toj odluci, prema tome u pola ili pred kraj završenog posla ne može da se odbacuje. Mi ćemo većinom glasova ili da je potvrdimo i donesemo ili odbacimo. Molim vas da ne obmanjujete javnost kad govorite o tome da je nezakonita.

Vijećnica Šefka Hasanić, replika

Nije istina da Klub vijećnika u samom prijedlogu Odluke o izboru i imenovanjima u mjesnim zajednicama nije upozoravao na nezakonitost i da nije navodio članove i Statuta i Zakona o principima lokalne samouprave. Znači član 28. Zakona o principima lokalne samouprave. Na sjednici smo davali svoje prijedloge i primjedbe, te primjedbe nisu uvrštene ni na javnoj raspravi imali smo istu situaciju. Ne bi voljeli da dobijemo i prijedlog Odluke koji imamo sa istim tačkama.

Vijećnica Svjetlana Zamboni, replika

Kad kažete obavljena je javna rasprava i nije uvršteno u javnu raspravu. Javna rasprava se vodi upravo radi toga, kako bi se sve primjedbe i sugestije uvrstile u materijal koji će u konačnom prijedlogu doći kao materijal na sjednicu OV, to je upravo i namjera ovog Programa rada.

Još jedna sugestija vezano za 58, 59. tačke u Programu rada OV, kao što vidite ponuđena su dva naslova, ako ste pažljivo pročitali vidjeli ste da se radi Izvještaj ili u drugom nazivu Informacija i Općinsko vijeće treba prema tome da se odredi.

Vijećnik Hajrudin Ferić, ispravka krivog navoda na izlaganje gospođe Hasanić.

Član 8. Zakona o principima lokalne samouprave kaže «Jedinica lokalne samouprave ima na vlastite nadležnosti ustanovljenja Ustavom i zakonom i ima pravo baviti se svim pitanjima od lokalnog značaja». U vlastite nadležnosti lokalne samouprave posebno spadaju, pa između ostalog organizacija mjesne samouprave. Dalje, organi Jedinice lokalne samouprave su Vijeće i Načelnik. Vijeće u okviru svoje nadležnosti donosi odluke o organizaciji mjesne samouprave, to je član 13. Zakona o principima lokalne samouprave. To što vi govorite Statut mjesne zajednice bi bio u suprotnosti sa ovom odlukom. Statut MZ je niži pravni akt od Statuta Općine od Zakona o principima lokalne samouprave i te odluke koju bi eventualno donijelo Općinsko vijeće. Tad je obaveza MZ, jer tako stoji u Statutima MZ da usaglašavaju svoje Statute MZ sa višim aktima, a to su Općine, odnosno Općinska vijeća.

Predsjedavajuća OV, ukoliko mi dozvolite ja bih prekinula raspravu. Diskutujete kao da je točka dnevnog reda Odluka o mjesnim zajednicama. O tome ćemo raspravljati ukoliko i kad dođe ta točka na red, pa ćemo se izjašnjavati i davati sugestije. Danas govorimo o Programu rada OV i sugestije na sadržaj Programa rada OV.

Vijećnik Elvir Vehabović, ja ću govoriti u ime JU Dom zdravlja, mislim da je 62. Izvještaj o radu i Plan programa Javnih ustanova, Plan i program JU donosi Zavod, odnosno Institut za zdravlje i sigurnosti i hrane, oni to nama dostave krajem februara, tako da JU Dom zdravlja nije u mogućnosti svoj plan i program ni realizovati prije martovske sjednice.

Vijećnik Safet Jašić, u prvoj tački dnevnog reda se nalazi i ova Odluka i mi imamo pravo da tražimo da se to skine s dnevnog reda, imamo pravo da diskutujemo. Što se tiče Kluba SDA, niko iz Kluba SDA ne obmanjuje javnost. Ovdje neko drugi obmanjuje javnost. Što niste gospodine dopredsjedavajući iznijeli rezultate javne rasprave. Šta je rekla javna rasprava?

Predsjedavajuća OV, ja vas molim gospodine Jašiću da ne otvaramo raspravu o temi koja nije točka dnevnog reda. Govorimo o Programu rada OV. Vi ste obrazložili svoje stavove. Gospođa Hasanić je iznijela stav. Ne otvarajmo analizu dokumenta, jer to nije točka dnevnog reda.

Vijećnik Safet Jašić, ova odluka je samo odluka jednog vijećnika DF, ničija druga. Nažalost ona kao takva prolazi. A bit će vremena da vidimo ko je u pravu da vidimo da li je to zakonito ili nije zakonito.

Pauza za Klub SDA

Vijećnik Safet Jašić, Klub SDA je donio stavove:

Klub SDA će uvijek tražiti da se donose zakonite odluke, pa i ova spornenuta po pitanju mjesnih zajednica i ukazivati na nezakonitost u radu i donošenje odluka.

Nemojte nas tjerati da zaštitu zakonitosti ovakvih odluka tražimo kod nadležnih institucija i mimo Općinskog vijeća, što nije svojstveno Klub SDA. U slučaju neprihvatanja naših prijedloga i ove spornenute odluke, klub vijećnika neće podržati ovaj materijal.

Vijećnica Svjetlana Zamboni, vezano za materijal koji je dostavljen u ime Koalicionog bloka iznijet ću stav, da ćemo podržati ovaj Program rada za 2018. godinu, te da ćemo se prilikom odabira opredijeliti za naslove za tačke 58 i 59. itd. da je to Informacija o radu i planiranim aktivnostima, sa finansijskim izvještajem o utrošku sredstava dodijeljenih iz Budžeta Općine Maglaj.

Vijećnik Nedžad Lokmić, ispravka krivog navoda.

Ipak moramo reagirati na neistinit navod gospodina Jašića, da je prijedlog odluke stav jednog vijećnika DF-a, to nije istina, to je rezultat višemjesečnog rada i ovog Vijeća, počevši sa predsjedavajućom, dopredsjedavajućim, načelnika i svih ovih vijećnika.

Predsjedavajuća OV, zaključujem raspravu i dajem na glasanje prvi prijedlog iznesen od strane Kluba SDA.

Glasalo 11 glasova za: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Kanita Bašić samostalni vijećnici.

Glasalo 1 glas uzdržan: Josip Jurišić (HDZ).

Konstatujem da prijedlozi SDA nisu dobili potrebnu većinu.

Predsjedavajuća OV, dajem na glasanje prijedlog iznesen od strane Koalicionog bloka.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 2 glasa uzdržan: Josip Jurišić (HDZ), Fikret Delić samostalni vijećnik

Konstatujem da je sa 12 glasova za, 11 protiv i 2 uzdržana glasa usvojen Program rada Općinskog vijeća uz opredjeljenje u naslovu navedenih tački dnevnog reda.

Većinom glasova je usvojen Program rada OV.

Pauza za Klub SDA

Vijećnik Safet Jašić, ovo je dilema i mi smo iščitavali Statut općine i Poslovnik o radu, nismo baš sigurni da li se ovakve odluke donose nadpolovičnom većinom ili većinom prisutnih vijećnika. Iz tog razloga tražimo tumačenje da nam neko pojasni.

Vijećnik Nedžad Lokmić, da bismo razriješili sve ove nejasnoće i vidjeli kako smo glasali, ja ću zamoliti da se pojedinačno izjašnjavamo po ovoj tački.

Vijećnica Šefka Hasanić, mi smo već imali glasanje po ovoj tački i Predsjedavajuća je pročitala rezultate glasanja. Tako da ne vidim potrebe za ponovnim glasanjem.

Vijećnik Elvir Vehabović, prvi prijedlog je bio prijedlog SDA, drugi prijedlog je bio prijedlog Koalicionog bloka. Još uvijek nismo glasali o dokumentu koji je došao u prijedlogu materijala.

Vijećnik Safet Jašić, mi tražimo da se ispoštuje prvo glasanje i da se evidentira tačno broj glasova.

Predsjedavajuća OV, ukoliko postoje nedoumice oko glasanja ponovo se glasa pojedinačno. Imamo dva prijedloga. Da li gospodin Lokmić ostaje pri svom prijedlogu ili isti povlači?

U skladu sa članom 90. Poslovnika o radu, pojedinačno izjašnjavanje, stav 1. kada postoji sumnja u rezultat glasanja pristupa se pojedinačnom izjašnjavanju vijećnika. Zahtjev za pojedinačnim glasanjem mogu podnijeti predsjedavajući, njegov zamjenik, predsjedavajući klubova vijećnika ili najmanje tri vijećnika koji su prisustvovali

glasanju, što se dovodi u sumnju. Pojedinačno izjašnjavanje vrši se tako što se svaki prozvani vijećnik izjašnjava, za, protiv ili je uzdržan od glasanja.

Vijećnik Safet Jašić, ovdje nema sumnje u rezultat glasanja, ako ide novo glasanje Klub vijećnika će napustiti salu dok se izglasava točka, napustit će sjednicu.

Pauza za koalicioni blok

Vijećnik Elvir Vehabović, u ime koalicionog bloka, kao što znamo ni jedan prijedlog nije prošao ni prvi ni drugi. Ostaje nam da glasamo o samom dokumentu Program rada Općinskog vijeća Maglaj.

Predsjedavajuća OV, pošto su se vijećnici izjašnjavali da li su izenseni prijedlozi dobili potrebnu većinu, smatramo da niti jedan prijedlog nije dobio potrebnu većinu, izjašnjavat ćemo se o materijalu koji je došao u sazivu za ovu sjednicu. O samim naslovima za pojedine tačke koje su naslovljene sa“ ili“, izjašnjavat će se Kolegij i davati prijedloge za tačke dnevnog reda u skladu sa Programom rada.

Na glasanje stavljam okvirni Program rada Općinskog vijeća za 2018.godinu, kao što je došao u sazivu za ovu sjednicu OV.

Vijećnik Safet Jašić, mi napuštamo sjednicu u vrijeme glasanja. Nije korektno da se vraćam na nešto što je prošlo, tonski zapis postoji i mi smatramo da smo u pravu. Nama nije bilo nejasnoća. Nećemo učestvovati u ovom izglasavanju.

Vijećnik Mustafa Bešić, imao je Klub SDA pauzu i niko od vijećnika ne snosi odgovornost da li je prošlo ili nije prošlo.

Predsjedavajuća OV, dajem na glasanje Prijedlog Programa rada Općinskog vijeća za 2018. godinu, kako je došao u sazivu

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici.

Glasalo 1 glas uzdržan: Josip Jurišić (HDZ).

U momentu glasanja salu su napustili vijećnici SDA i samostalni vijećnik Buljubašić Mustafa.

Konstatujem da je Program rada Općinskog vijeća za 2018. godinu dobio potrebnu većinu i

Z A K L J U Č A K

1.1. Usvaja se Program rada Općinskog vijeća Maglaj za 2018. godinu.

AD – 2 Operativni budžetski/proračunski kalendar za izradu i donošenje Budžeta/Proračuna Općine Maglaj za 2019. godinu i Dokumenta okvirnog Budžeta/Proračuna za period 2019-2021. godinu;

Predsjedavajuća OV, da li ima potrebe za uvodnom riječju, obzirom da se radi o zakonski propisanoj proceduri. Otvaram raspravu.

Vijećnica Ermina Muminović, Klub vijećnika SDA prihvata Operativni budžetski/proračunski kalendar za izradu i donošenje Budžeta/Proračuna Općine Maglaj za 2019. godinu i Dokumenta okvirnog Budžeta/Proračuna za period 2019-2021. godinu.

Zaključujem diskusiju i dajem na glasanje

Z A K L J U Č A K

2.1. Donosi se Operativni budžetski/proračunski kalendar za izradu i donošenje Budžeta/Proračuna Općine Maglaj za 2019. godinu i Dokumenta okvirnog Budžeta/Proračuna za period 2019-2021. godinu

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 3 Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2018. godinu

- Radovi redovnog održavanja i rekonstrukcije lokalnih cesta sa saobraćajnom signalizacijom na području općine Maglaj u 2018. godini;
- Zimsko održavanje lokalnih i nekategorisanih cesta i gradskih ulica na području općine Maglaj 15.11.2018. do 15.03.2019.godine;

Otvaram raspravu

Vijećnik Josip Jurišić, ja sam u materijalu pregledao koje su to lokalne ceste koje su nerazvrstane, malo sam se konsultirao sa gospodinom Fuadom. Ja iz svoje mjesne zajednice imam čak osam putnih pravaca koji nisu ni lokalni ni nerazvrstani. Nisu ni u jednoj kategoriji.

Dajem prijedlog da barem ove relacije uđu u nerazvrstane puteve kako bi neki barem od njih mogli ući u program zimskog održavanja. Imamo jedan put koji veže općinu Maglaj sa općinom Žepče, asfaltiran 1 km asfalta nema ga ni pod kategorijom nerazvrstani, a cijeli je put na općini Maglaj, možda par metara tamo onih završnih gdje još nije utvrđena skroz granica.

Što se tiče ovoga dajem prijedlog kako to može ići da ovi putevi, a ja to mogu Službi poslati koji su to putevi i tačno koliko je dionica duga. Za zimsko održavanje je sve u redu, a kad usvojimo i ovo da idu i neki od ovih puteva, to se možemo poslije dogovoriti. Ja mogu dati prijedlog i preko mjesne zajednice ili Načelniku. Govorimo za zimsko održavanje pa da uđu i ovi neki putevi.

Vijećnik Edib Delić, mi smo razmatrali Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2018. godinu. Ja ću se osvrnuti kad su u pitanju lokalne ceste težište ću dati na svoju mjesnu zajednicu. Pod tačkom 8 u spisku lokalnih puteva stoji Gornji Moševac-Donji Moševac-Ravna ukupna dužina 2,5 km asfaltnog puta i 1,7 km makadamskog puta što čini 4,2 km ukupne dužine tog puta. Nema primjedbi na ovaj dio i ovo su tačni podaci sa terena.

Kad su u pitanju nerazvrstane ceste iznijet ću par primjedbi i prijedloga. U tački 1. stoji Moševac – Lanište-raskršće-škola asfaltni kolovoz u dužini od 1,5 km, nemamo metra pod makadamskim putem i to stoji. Pod tačkom 2. Moševac-Lanište-Brkića sokak također pod asfaltom imamo 1 km i 400 m ostaje pod makadamskim putem ukupna dužina 1,400 m. Dalje ima greška u rednom broju 3. Moševac-Husakovići u materijalu stoji da je asfaltirano 0,9 km, da nema ništa pod makadamskim i ukupna dužina 900 m. Ovdje treba da stoji 0,5 km pod asfaltnim ostaje 0,4 pod makadamskim što znači ukupno 0,9 km. Iznio sam ovu primjedbu da se uvrsti taj dio i predložio bih da ovaj pravac koji nije ubačen u tabelu treba da stoji Moševac-Vehabovići, taj putni pravac nema ga u kategoriji nerazvrstanih puteva, a on postoji sa slijedećim pokazateljima. Pod asfaltnom podlogom je 0,5 km, ostaje da se uradi 0,4 što je ukupno 0,9 km. Predlažem da ovaj putni pravac uđe u ovaj dio.

Kad je u pitanju zimsko održavanje ovdje stoje relacije u mojoj MZ koje se održavaju, što bih predložio putni pravac Raskršće-Mrvoljci-Vehabovići u dužini od 0,9 km, zato što u posljednjih godinu i po dana naša MZ ima potrebu da taj pravac uđe u zimsko održavanje iz razloga što na tom pravcu imamo dva pacijenta koji svaki drugi dan idu na dijalizu u Opću bolnicu Tešanj i iz tih razloga predlažem da ovaj putni pravac uđe u zimsko održavanje. Kad je u pitanju plan ulaganja i sanacije putnih pravaca imamo pokazatelje na nivou općine. Moja MZ je ovim planom uvrštena sa iznosom od 15.000 KM, gdje stoji sanacija puteva u MZ Moševac uz sufinansiranje mještana, naselja Moševac i Općine Maglaj. Predlažem, a svjesni smo potreba u mojoj MZ za asfaltiranjem tih putnih pravaca i one su izražene u velikom broju, s toga predlažem da za ove namjene stoji cifra od 30.000,00 KM.

Vijećnik Adis Abdurahmanović, nadzovezat ću se na kolegu Delića a što se tiče moje MZ. Što se tiče lokalnih puteva sve je u redu tu imamo Polje-Topola-Šljivice, a što se tiče nerazvrstanih puteva imamo relaciju Topola-džamija-Husići. Imamo tu realaciju koja je od 500 m, koja je kompletna pod asfaltnom podlogom i nadovezuje se Brdo znači 500 m asfaltne podloge. Predlažem da se uvrsti u Plan i program održavanja, sanacije i uređenja lokalnih i nerazvrstanih cesta Kosova pomenuta relacija Gornja džamija-Brdo u dužini od 500 m, i moram naglasiti da se na ovu realaciju direktno oslanja 50 domaćinstava. Imali smo problem kad je u pitanju zimске održavanje 2017. godine gdje uopšte nerazvrstane ceste u MZ Kosova nisu očišćene. Ljudi su zvali MZ očišćen je samo lokalni put prema Kamenolomu. Zamolio bih da se ubaci i ta dionica u zimsko održavanje.

Vijećnik Hajrudin Ferić, ja ću govoriti o trećoj, četvrtoj i petoj tački.

Ja izražavam zadovoljstvo što imamo ove programe na dnevnom redu Općinskog vijeća Maglaj. Dobro je da se vidi transparentno šta se to planira i raditi i graditi i sanirati u 2018. godini i ovo je jedno veliko demokratsko dostignuće u odnosu na prethodne godine i prethodnu praksu i iskustva rada OV, tako da još jedanput izražavam zadovoljstvo. Ono što je u toku pripreme sjednice OV, dosta građana otvorilo ove radne materijale i na neki način zadužili me da prenesem njihove prijedloge i razmišljanja i sugestije, ja to moram učiniti i to nam je i dužnost. Ja se slažem u cijelini sa ponuđenim prijedlogom koji smo dobili. Samo da iznesem kako bi Načelnik, odnosno nadležne službe imale u vidu i ove prijedloge i sugestije.

Kad je u pitanju MZ Kopice tamo građani kažu da im je potrebna sanacija puta Kruščica u dužini od 50 metara. Sanacija puta Stražba-Ravne, tamo je potrebno neko postavljanje pet cijevi. Sanacija puta, odnosno prilaznog trotoara u ulici S.O.Cara od solitera do raskrsnice sa Zeničkom ulicom, koliko znam bilo je tu i potpisa grupe građana koja je predana nadležnoj Službi da se nešto uradi, a nisu nikad ništa uradili, a zaista je strahota pogotovo kad su padavine u pitanju. Da se gleda i vodi računa ako se može nešto uraditi na asfaltiranju dvije javne površine iza Doma kulture i kod alatnice.

I ova peta tačka samo da pomenem potrebno je u MZ Kopice 5 sijalica javne rasvjete, dvije u Skulićima i tri na Poduhvaću. Zatim rasvjeta u ulici Ilijasa Smajlgića do Ivana Pavla. Ukloniti stub ulične rasvjete i to onaj posljednji od Konzuma prema Pravoslavnoj crkvi koji odavno nije u funkciji i koji predstavlja opasnost za vozače. Zatim, istočna strana u ulici 1. marta, odnosno saobraćajnica istočno od Autobuske stanice ukoliko se može da se

tamo postave dva-tri stupa ulične rasvjete. Tamo su stanari u izuzetno teškom zdravstvenom i svakom drugom stanju, a mrak je uvijek. Naravno i pitanje šta je s priključkom u Donji Rakovac?

Vijećnica Dženita Smajlović, kada je u pitanju ova točka dnevnog reda, ne mogu da ne izrazim svoje nezadovoljstvo, jer ovdje nigdje nije uvrštena MZ Čobe. Ja imam informaciju od predsjednika MZ da su zahtjevi i prijedlozi dostavljani još prošle godine, a da nisu poslani nikakvi odgovori, a kamo li da se šta uvrstilo u realizaciju, odnosno u plan realizacije, pa čak ni u posipni materijal za Gornje Čobe kada je u pitanju zimsko održavanje.

Vijećnik Mustafa Bešić, što se tiče Plana i programa održavanja, sanacije i uređenja lokalnih i nerazvrstanih cesta sa finansijskim pokazateljima za 2018. godinu, ono što ja želim i sugerisem u čitavom prethodnom periodu, to je nekategorisani putevi. To su putevi do kojih u zimskom periodu ne može doći zgrtalica, a imamo dosta tih putnih pravaca na općini Maglaj. Mislilo sam da Općina ili Služba pronadu neku manju zgrtalicu koja će moći ući u sokake ili one puteve gdje ne može doći velika zgrtalica. Pošto mi imamo toliko tih puteva na općini Maglaj, kad bi imali jedan opet ne bi mogli udovoljiti svima. Mi se snalazimo po mjesnim zajednicama, imamo traktore, mašine i snalazimo se. Sugerisem Općini Maglaj, da se malo više planira sredstava za te nekategorisane ceste kako bi se nagradili ljudi koji rade na čišćenju. Oni obezbjeđuju normalan rad i život na selu.

Vijećnik Mirza Bradarić, u ime Koalicionog bloka mi ćemo prihvatiti Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2018. godinu.

Vijećnik Safet Jašić, vidjet ćemo šta i kako će predsjedavajuća sročiti zaključke, šta je ušlo od naših prijedloga. Nisam izašao da predložim bilo šta, uglavnom da se prihvate sugestije koje smo iznijeli. Mogli smo olakšati, nadam se da je svaka mjesna zajednica dostavila Plan i program i po tome sve stoji što je izneseno od svih mjesnih zajednica.

Fuad Hajrulahović, drago mi je da ste ovaj Plan i program iščitali i učestvovali u diskusijama. Vaše sugestije i prijedloge ćemo pokušati u saradnji sa Načelnikom u skladu sa finansijskim mogućnostima da uvrstimo ono što je neophodno. Što se tiče samog zimskog održavanja, vi znate da po planu i programu mi održavamo dobar dio tih cesta negdje 83 km i da svaki puta na vašu intervenciju ili nekog iz MZ tamo gdje je kritično da Služba angažuje mehanizaciju koja to može da odradi. Mislim da je gospodin Bešić rekao da je najveći problem sa tim uskim sokacima gdje mehanizacija firme sa kojom mi imamo ugovor o održavanju ne može da uđe ili ne može da se okrene. Bila je jedna inicijativa da se određeni broj traktora koji se dobio kroz donacije od raznih donatora, a mislim da u svakoj MZ ima, pa čak je bila ideja da Općina kupi plugove za te traktore i da ti ljudi koji su kroz donaciju dobili traktore daju doprinos samom čišćenju snijega.

Ovo što je gospodin Jurišić govorio ja sam obećao i mi ćemo to provjeriti i ono što bude realno i u mogućnosti mi ćemo to uraditi. Nemam ništa protiv da u skladu sa vašim prijedlozima da Načelnik i Služba naprave mali preraspored u okviru ovih budžetskih sredstava i da napravimo ono što je najbolje i da budemo svi malo zadovoljniji.

Što se tiče posipnog materijala za Čobe, svake godine bez obzira na putnu dionicu da li bila lokalna ili nerazvrstana cesta, Općina Maglaj, tamo gdje god postoji potreba izveze se određena količina posipnog materijala. Da li se slučajno desilo da ove godine nije došlo ili nije bila potreba mi ćemo to provjeriti. Znam da redovno za Čobe ide. Kad mi pošaljemo taj materijal i damo lokaciju gdje, onda uvijek neko izađe pred taj kamion i kaže nemoj tu, de ovdje itd.

Predsjedavajuća OV, gospodine Hajrulahoviću, čini mi se da ste predložili prijedlog zaključka da će se svi prijedlozi i sugestije iznesene u toku diskusije uzeti u razmatranje, te u skladu sa mogućnostima i realizovati i za redovno i za zimsko održavanje. Sve što je u okviru budžetskih sredstava.

Zaključujem raspravu i dajem riječ Općinskom načelniku.

Općinski načelnik, prije svega bih predložio ako ne zaključimo tako da barem znate oko programa održavanja, radi se o okvirnom planu i programu, ovo nije zakovano. Ako bude sredstava tako ćemo se i ponašati. Što se tiče ovih sugestija za zimsko održavanje, ja ih prihvaćam. Ove godine nema snijega, bilo je malo i kratko. Prošle godine smo imali puno više snijega. Znao da prošle godine je bilo zimsko održavanje bolje nego i jedne poslijeratne godine i tako će biti iz godine u godinu sigurno bolje. Sugestije za pojedine dionice stoje, ali isto tako sugestija i prema vama koje dolazite iz mjesnih zajednica. Mjesne zajednice mogu puno pomoći, gdje se radi pogotovo o ovim uskim sokacima kako je Bešić rekao. Ono što morate znati, ne može se doći u istom trenutku na sve lokacije. Rekli smo ove godine da moraju mijenjati plan, do sad su imali, firma koja to radi, imali plan odakle kreću, gdje im je prva lokacija, gdje je posljednja lokacija. Sad smo rekli malo obrnite da jedni te isti ne čekaju uvijek, a ne može se sve završiti u sat ili dva. Ono o čemu treba voditi računa da ne može svugdje ista mašina doći, zbog toga bude nekih informacija, uvažavat ćemo i sa terena što dođe zahtjeva.

Moram vijećnici Smajlović prokomentarisati, možda vam je predsjednik MZ prenio tako, ali vjerujte vaš predsjednik MZ ne zna da postoji Načelnik. Vaš predsjednik MZ ni za dan mjesne zajednice, ne zna da postoji načelnik. Za njega postoje neke druge stvari, meni se obraćao još dok sam bio u «Elektrodistribuciji» za javnu raspravu a nikad nije pomakao ni za milimetar, ali ovo što ste iznijeli potruditi ćemo se. Čini mi se da kad sam dolazio u Čobe na dženazu da sam vidio posipni materijal da je pokraj puta kad se ide u Gornje Čobe. Ako fali

dovući ćemo. Radi se o okvirnom programu, a realizaciju ćemo vidjeti tokom godine od iznosa sredstava koja budu na raspolaganju i zavisi od toga kako se bude na terenu dešavalo.

Predsjedavajuća OV, na osnovu svega iznesenog, dajem na glasanje

Z A K L J U Č A K

3.1. Usvaja se Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2018. godinu.

3.2. Da se izneseni prijedlozi i sugestije uzmu u razmatranje, te u skladu sa mogućnostima i realizuju kako za zimsko, tako i za ljetno održavanje.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 4 Plan ulaganja na sanaciji i rekonstrukciji postojećih i izgradnja novih cesta i asfaltnih površina na području općine Maglaj u 2018. godini sa finansijskim pokazateljima;

Otvaram raspravu

Vijećnik Edib Delić, slažem se da je ovo po prvi put ugledalo svjetlo dana i mislim da po stavu našeg Kluba moglo se ići i obrnutim redom, u smislu da ovo je prijedlog načelnika, mogo je on bit i dalje prijedlog načelnika ali se moglo tražiti mišljenje i nižih u ovom sistemu a to su mjesne zajednice. Nas niko nije, bar mene nije niko konsultovao ni tražio prijedlog za ovaj plan. Ispada da nam se ovo natura, da jednostavno neko bolje zna šta i kakvo je stanje u mojoj mjesnoj zajednici nego ja, jer predstavljam mjesnu zajednicu. Imamo primjedbi, ja sam iznio jedan prijedlog da se poveća ulaganje zato što imamo potrebe za sanacijom tih putnih pravaca. Imamo i mišljenje da kad nije došao prijedlog iz mjesne zajednice, naravno da će biti i više primjedbi i više grešaka, sve bi to mogli smanjiti i sam plan bi bio kvalitetniji i bolji. Mi kao Klub ćemo biti protiv ovog plana ulaganja.

Vijećnica Šefka Hasanić, predlažem da u Plan ulaganja na sanaciji i rekonstrukciji postojećih i izgradnja novih cesta i asfaltnih površina se doda i lokacija u Mjesnoj zajednici Novi Šeher. Mjesna zajednica je u planu i programu rada za prošlu i ovu godinu dostavila svoj prijedlog, a to je asfaltiranje dijela puta od nekih 100 do 120 metara od kuće Muradifa Ismičića pa nastavak tog asfaltnog puta.

Vijećnik Nedžad Lokmić, u okviru diskusija ovog Plana ulaganja na sanaciji i rekonstrukciji postojećih i izgradnja novih cesta i asfaltnih površina na području općine Maglaj u 2018. godini iznosimo slijedeće. Svakako je značajan iznos stavka od 400.000,00 KM u Budžetu Općine Maglaj za 2018. godinu na poziciji tekuće održavanje i rekonstrukcija puteva zimsko i ljetno. Mislimo da je korektno i profesionalno urađena i raspodjela ovih iznosa na tri dijela. Vidjeli ste da se 120.000 KM odnosi na održavanje i rekonstrukciju sa saobraćajnom signalizacijom, 100.000 KM za zimsko održavanje lokalnih i nekategorisanih cesta i treći dio iznos od 180.000 KM za sanaciju i rekonstrukciju postojećih i izgradnju novih cesta, odnosno asfaltnih površina na našoj općini. Vjerujemo da je i procijenjena vrijednost planiranih sredstava zaista izvršena na osnovu jedinačnih cijena iz prethodne 2017. godine. Od odgovornih za sprovođenje u djelo ovog plana očekujemo da će u skladu sa pozitivnim zakonskim propisima provesti postupak izbora najpovoljnije ponude, te donijeti izbor najpovoljnijeg ponuđača koji će naravno biti i najkvalitetnija ponuda i dovesti do potpisivanja ugovora sa istim izvođačem. Zbog činjenice da su iz dosadašnjih iskustava za površinu često izlazila loša iskustva sa nadzorom na tim poslovima od Načelnika i Službe očekujemo da se u ovoj godini na svim radovima izabere najstručniji i najprofesionalniji nadzorni organ koji će stajati iza svojih nalaza. Također se nadamo da će se uspjeti poredati prioriteta pri realizaciji ovog plana, a nadam se da dijelim mišljenje većine vijećnika da n/m poput Gračinog Brijega, Ulišnjaka i te kako zaslužuju mjesto u samom vrhu tih prioriteta.

Na kraju smatramo da je i završna tabela plana ulaganja sa lokacijom objekta, pozicijom radova i procijenjenom vrijednošću radova dobro urađena. Neki će možda reći da se pod lokacijom objekta na više mjesta pojavljuje Maglaj-grad, da se neke MZ ponavljaju, a da nekih uopće nema i sl. ne zaboravimo da je Maglaj-grad prva slika koju ljudi steknu pri ulasku u grad. Ne treba pominjati dionicu od benzinske do «Natron» kakvu je sliku davala ljudima sa strane koji su ulazili u Maglaj prije asfaltiranja tog dijela. Također ne treba zaboraviti da se radi o dva programa i da su neke mjesne zajednice uobzirene u nekim drugim projektima, odnosno programima. Ovaj plan možemo također smatrati okvirnim planom i da će dovesti do kvalitetnijih rezultata. U ime koalicionog bloka izražavam stav da ćemo podržati ovaj plan.

Vijećnik Safet Jašić, ono zašto smo eksplicite možda ne za ovakav materijal je slijedeće: Nisu dovoljno konsultovane mjesne zajednice i navest ću samo jedan ili dva primjera. Radi se asfaltiranje puta prema Gračinom Brijegu. MZ Ulišnjak a prioritet je po nama za građenje bila sanacija dva klizišta koja ugrožavaju živote ljudi iz

tog n/m. Zato stalno potenciramo da je trebalo koliko toliko ili pročitati planove MZ ili konsultovati MZ. Za mene je preče da se urade ova dva klizišta, a takvih klizišta ima još mnogo na svim mjesnim zajednicama. Đabe je nama uraditi put i asfaltirati ga ako će ga klizište odnijeti. Ništa drugo nema sporno u ovom Planu, niti bi mi razmišljali o bilo kakvom neprihvatanju. Ovo je jedini i najveći razlog zašto govorim ovo...

Vijećnik Adis Abdurahmanović, ja ne mogu a da se ne nadovežem, pozdravljam što je krenulo ulaganje u moju mjesnu zajednicu tj. Kosova, ali kolega Jašić je iznio trebalo je konsultovati ljude u mjesnoj zajednici koji su nadležni, možda bi to bio isti prioritet koji je dat, možda bi to bila relacija prema Šljivicama povezivanje sa općinom Tešanj, dionica ceste, možda kod džamije propadanje puta. Ja sam postavio vijećničko pitanje i gospodin Hajrulahović mi je odgovorio da će to biti riješeno ih nekih sredstava. Pozdravljam ulaganje u Kosovu, i ja neću podržati samo iz razloga što ne znam ko je predložio to, što se ne konsultuju ljudi na terenu, jer mi najbolje znamo šta treba u našoj mjesnoj zajednici.

Vijećnik Mustafa Bešić, i ja sam bio u prethodnom mandatu predsjednik mjesne zajednice i sjedio sam tamo gdje ste vi četiri godine. Sve sam dostavljao uredno nikad niko nije pitao mene u mojoj mjesnoj zajednici za turu pijeska. Kad dođu izbori ja sjedim na mostu pošaljete momka on sjedne u kamion nije uopšte u Vijeću mjesne zajednice i on raspoređuje gdje će i koliko, a Bešu u mjesnoj zajednici izabran legalno od ljudi. I sad pričamo o nekom, ja ne podržavam ovo, ali nemojte ljudi tako ste radili meni lično. Što se tiče ovdje sigurno ima dosta da se treba popraviti i uraditi, ali moramo podvući i refu. Neke su mjesne zajednice previše dobijale u prethodnom mandatu, a neki nisu ništa. Moramo napraviti balans. Svi hoćemo da imamo lijepe puteve, vodu da nam se obezbijedi. Nikog ne branim i ne štitim, ali vratite se malo unazad da vidite kako je to sve izgledalo.

Vijećnik Josip Jurišić, što se tiče ove stavke i moja mjesna zajednica nije dobila ništa i nije uopće ušla u ovaj program. Naravno da ne možemo svi ni ući u program, nema toliko sredstava. Svi bismo mi volili da nam dođe čim prije. Ono što smo mi napravili u našoj mjesnoj zajednici smo najviše vlastitim sredstvima napravili. Možda da se nekad ubuduće razmišlja o tome da se poredaju nekakvi prioriteti, ako su tamo negdje građani aktivni i voljni izdvojiti 100 ili 200 ili 300 KM za neku dionicu, pa da Općina ide samo uz sufinansiranje, a ne ovako dijeljenje kako se kome sviđi. Volio bih znati, čini mi se kolega Bešiću da je kod vas tamo 100 metara asfalta, jel to prema Brezovim Danama zanima me. Mi i sad imamo dvije dionice sa urađenim projektom i stoji to već par godina u Maglaju, mislim da to još niko nije ni pogledao, ali ići ćemo mi na druge nivoe pa ćemo uraditi.

Vijećnik Mirza Bradarić, sve sam pažljivo slušao kolege koji su izašli prije mene, malo mi je zaparala izjava kolege Abdurahmanovića, kada je rekao «drago mi je što je konačno krenulo ulaganje i u mojoj mjesnoj zajednici». Ja ću to shvatiti kao kompliment ovoj općinskoj administraciji i ovom općinskom načelniku jer očigledno u prijašnjem periodu tog ulaganja nije bilo. Rekli ste konačno krenulo ulaganje i u mojoj mjesnoj zajednici. Ovo što je kolega Jašić govorio a vezano je za Gračin Brijeg, kažete da mjesne zajednice nisu konsultovane, razumijem. Možda u nekim slučajevima mjesne zajednice ne budu konsultovane, međutim pričate nešto što je totalno paradoksalno sa ovim nekim stvarima. Samo ću vas podsjetiti pričate o tom nekakvom klizištu gore na dionici prema Gračinom Brijegu. Slažem se. Ima gore problema i odrona itd. Međutim, da vas podsjetim 2016. godine je bez konsultacija ljudi sa Gračinog Brijeda, ne znam da li je tada konsultovana Mjesna zajednica Ulišnjak, pred same izbore na području prema Gračinom Brijegu, to je ono iznad restorana «Borik», kako je prekid asfalta, napravljena je dionica makadamska, pa je onda gore u nekom dijelu asfaltirana jedna dioničica tog puta. De mi recite da li ste tada razmišljali o tim odronima, tim klizštima, jer te godine 2016. pred same izbore i kada ste vi bili na vlasti tj. SDA i načelnik Mustabašić, jestel vi tada konsultovali, jeste vi tada razmišljali o klizištu, kada ste to pred same izbore uradili. I sada je odjednom problem, što će se samo ta dionica spojiti.

Vijećnik Firuz Galijašević, moram i ja jedan komentar da dam kolegi Abdurahmanoviću. Obzirom da se on puno brine o svojoj Mjesnoj zajednici Kosova, obzirom da ni sada neće prihvatiti, a nije prihvatio ni na 11. sjednici kada smo mi usvojili Srednjoročni i trogodišnji plan potencijalnih projekata 2018.-2020. u kojem je uvrštena i rekonstrukcija Stadiona «Vis» u Kosovi.

Vijećnik Safet Jašić, nisam očekivao odgovore od vijećnika, iznenadilo me. Ja sam samo naveo za primjer, nikoga nisam konsultovao na Gračama, slučajno sam prošao neki dan. U mojoj mjesnoj zajednici znam i radila su se klizišta, ne volim prozivat vijećnike i neću prozivati sigurno nikoga. Urađena su dva velika klizišta i ovo treće nije bilo sredstava da se uradi, a za ovaj i slične njima trebalo je obezbijediti bar projektnu dokumentaciju. Ja ništa nisam rekao, ja sam za svako ulaganje, ali ipak u mjesnim zajednicama ljudi znaju šta su to prioriteti. Prema tome, nisam želio po ovom pitanju bilo koga da prozovem. Postoje prioriteti i rekao sam razloge naše, zašto je tao tako i zašto smo sve ove diskusije iznijeli na ovaj način. Ne trebaju nama odgovori ni ja nikom ne dajem odgovore posebne, ali ovo je nešto što je realno. Ako se nastavi, neka se nastavi i dalje bez konsultacija pa nek se radi šta hoće. Vidjet ćete ovaj prijedlog što je gospodin Ferić po pitanju rasvjete iznio, ja ću iznijeti kad dođe točka dnevnog reda, da to nije dobro kako se radi.

Vijećnik Adis Abdurahmanović, replika – prvo ću zahvaliti se gospodinu Bradariću što me ispravio mislio sam u ovom mandatu da je konačno krenulo ulaganje i naravno, onda pozdravljam. Kolegi Galijaševiću ću odgovoriti da smo mi obrazložili razlog da smo bili suzdržani, a ne protiv gospodine Galijaševiću, to je velika razlika. Mi smo obrazložili zašto smo tako glasali i kad se prenosi na egdje dalje treba prenijeti obrazloženje, a ne samo da izvlačite iz konteksta ono što vama odgovara.

Fuad Hajrulahović, želio sam da malo skratim ovu diskusiju i da je vratim na ovaj plan. Budžetom za 2018. godinu ovih planiranih 400.000 KM su tačno namjenska sredstva u putnu infrastrukturu. Što se tiče sanacije klizišta, sanacija klizišta se radi iz drugih sredstava. Iz ovih sredstava se mogu raditi samo male minimalne sanacije na odronima i na nekim malim klizištima što su mala ulaganja. Što se tiče ulaganja u klizišta na općini Maglaj mi smo u 2016. godini sa Službom CZ, sa stručnjacima iz Sarajeva za klizišta i tad smo utvrdili da nam je kritičnih 9 klizišta na općini Maglaj. Da tih 9 klizišta uradili smo idejne projekte i glavne projekte. Tada smo uradili dva klizišta u Kopicama, 2 klizišta u Oručama, 4 klizišta prema Gračinom Brijegu, Straište. Što se tiče ulaganja iz ovih sredstava za održavanje lokalnih puteva, izgradnju, sanaciju i rekonstrukciju, modernizaciju te pare se ne smiju trošiti za tu namjenu. Pare za sanaciju klizišta idu iz drugih sredstava i to je u drugom programu i mi ta sredstva obezbjeđujemo preko viših nivoa kako CZ kantonalne, federalne i nekih ministarstava kad raspišu projekte za to. Što se tiče Gračinog Brijega mi smo u 2016. godini sanirali prva dva klizišta 1 i 2. koji se nalaze iznad Babovače i na tom potezu smo izvršili i asfaltiranje zato što je projektnom dokumentacijom i predviđeno da se uradi asfaltna zaštita, da ponovo uticaj vode koji ulazi na kolovoz ne bi napravila novo klizište. Imamo urađene projekte za klizište 3 i 4 i radi se o investicijama koje su, klizište 3 ima procijenjenu vrijednost oko 50.000 KM, a klizište 4 tzv. «Šljivina voda» tada je bila procijenjena investicija oko 60.000 KM, ona je sad možda i dva puta veća ...

Općinski načelnik, Plan je okvirni, većinu ovih sredstava bi trebali da dobijemo, tako da većinu ovog programa bi trebali i da realizujemo, vrijeme će pokazati. Ono što je činjenica što god ovdje opozicija izašla i rekla, imate prvi puta da je nešto transparentno i javno. Dosad vam je načelnik hodao s rukama u džepovima uz cestu i niz cestu a predsjednik partije raspoređivao gdje će asfalt. Prema tome, toga više nema. Imate plan i program, hoćete li ga podržat ili nećete to je vaša stvar. Što se tiče uvažavanja mjesnih zajednica, tamo gdje mjesne zajednice uvažavaju načelnika, uvažava i načelnik mjesne zajednice...

Kad je u pitanju realizacija ovoga, vidjeli ste da ima tamo predviđeno iz sredstava za asfaltiranje po mjesnim zajednicama. Prošle godine smo radili marku na marku, radit ćemo i ove godine. Radit ćemo po određenim prioritetima, nećemo raditi da favorizujemo određenu mjesnu zajednicu. Evo u Moševcu se desilo da su građani Vahabovića skupili prije nove godine sredstava i htjeli da idu marku na marku i da riješimo, a istovremeno u Moševcu urađen jedan putni pravac, urađen drugi putni pravac, bilo bi previše u par mjeseci u Moševcu uraditi i treći putni pravac. Preorijentisali smo se pa smo uradili Salkiće asfaltiranje, uradili most, ali je vidno da idemo po čitavoj teritoriji općine Maglaj. Iz jednog Budžeta se ne može čitava općina pokriti ni za četiri godine, a kamo li za jednu godinu, ali ćemo pokušati da to bude što transparentnije...

Dio ulaganja će zavisiti i od viših nivoa vlasti. Mi smo kandidovali u Ministarstvu putne pravce Jablanica-Palučak, Gračin Brijeg-Straište, vidjet ćemo šta će proći. Možda će proći nešto, ali o tom potokom. Kad se završi konkursna procedura vidjet ćemo.

Predsjedavajuća OV, zaključujem raspravu i dajem na glasanje

Z A K L J U Č A K

4.1. Usvaja se Plan ulaganja na sanaciji i rekonstrukciji postojećih i izgradnja novih cesta i asfaltnih površina na području općine Maglaj u 2018. godini sa finansijskim pokazateljima.

4.2. Da se izneseni prijedlozi i sugestiju uzmu u razmatranje, te u skladu sa finansijskim mogućnostima Općine i realizuju u ovoj godini.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

Pauza 5 minuta

AD –5 Plan upravljanja i Program održavanja sistema javne rasvjete na području općine Maglaj za 2018. godinu;

Otvaram raspravu

Vijećnik Adis Abdurahmanović, Klub vijećnika SDA predlaže da se iz raspoloživih sredstava sufinansira izgradnja ulične rasvjete u mjesnim zajednicama Ravna, Kosova, Moševac, Čobe i Ulišnjak, iz razloga što su ukazane potrebe u ovim mjesnim zajednicama, a imaju i gotove projekte ulične rasvjete.

Vijećnik Mirza Bradarić, moramo izraziti zadovoljstvo iz razloga što uopšte imamo jedan ovakav dokument na dnevnom redu Općinskog vijeća. Na osnovu Plana koji obuhvata gradski ali i prigradski ili ruralni sistem javne rasvjete u kojem je trenutno instalirano cca 2050 rasvjetnih tijela jasno su definisani ciljevi, ali i način održavanja samog sistema javne rasvjete. Svi smo svjedoci da na području općine Maglaj sistem javne rasvjete nije dobro funkcionisao posljednjih nekoliko godina. Nije dovoljno ulagano u rekonstrukciju sistema javne rasvjete, izdaci u Budžetu za javnu rasvjetu su bili jako veliki zbog jačine onih sijalica. Jednostavno rasvjeta je ličila kao tipke na klaviru. U nekim područjima i dijelovima smog grada bila je potpuna tama. Iz ovog Plana vidi se da se ide ka modernizaciji sistema javne rasvjete, što kroz sredstva planirana u Budžetu Općine Maglaj, što kroz projekte UNDP-ia, a najbolji primjer te modernizacije javne rasvjete imamo u Ulici Civilnih žrtava rata. Svi ste imali priliku da vidite taj novi sistem led rasvjete u toj ulici. Na osnovu ovog plana dobro je i to što i sami građani mogu uzeti aktivno učešće pri davanju sugestija, smjernica gdje je potrebno rekonstruisati, održavati ili zamijeniti sijalice. U planiranim aktivnostima u sistemu javne rasvjete za 2018. godinu u stavu 4. spominje se finansiranje ili sufinansiranje izgradnje novih dijelova sistema javne rasvjete, gdje se ukaže potreba. Ovom prilikom bih apelirao na Pionirsku ulicu u kojoj godinama nema nikakve rasvjete i u tom dijelu grada, u toj ulici je potpuna tama. Sve u svemu ako bih mogao sumirati ovaj plan upravljanja i Program održavanja u jednoj rečenici to bi bilo: Bolji i efikasniji sistem javne rasvjete pomoću led rasvjete sigurno da bi to bio i manji trošak i manji teret na Budžet Općine Maglaj. U ime koalicionog bloka mi ćemo prihvatiti Plan upravljanja i Program održavanja sistema javne rasvjete na području općine Maglaj za 2018. godinu.

Vijećnik Safet Jašić, u našoj mjesnoj zajednici, zato sam i govorio da se komunicira i da se znaju i takvi podaci. Mjerno mjesto za javnu rasvjetu je dobro opterećeno. Mi smo prvim projektom javne rasvjete 2005.godine uradili rasvjetu u našoj mjesnoj zajednici i nismo dobili niti jednu KM ni za mjerno mjesto ni za javnu rasvjetu. Nema problema, ja sam za svako unapređenje i podržavam da se ove mjesne zajednice koje nemaju da se pomogne oko izgradnje rasvjete. Nemojte zbog 5 ili 6 sijalica, ako je u toku rješavanje trafoa u MZ Kopice, da urušimo i ono što imamo. Mi smo dokupili, MZ je dokupila iz sredstava za redovan rad 2.200 KM smo platili i dokupili 1,5 kw da bi održali ono što imamo. Ništa drugo za svaku sam izgradnju bilo gdje i bilo kada. Nemojte da napravimo gore nego što imamo. Da vidimo ovo i da se uvede još jedna linija, jedan put koji nije osvijetljen na našoj mjesnoj zajednici i da se ide u tom pravcu. Ovdje je vijećnik iznio kaže u naselju Skulići. Nemoj to više nikad pomenuti, to je jedan najpogrdniji naziv za to naselje. To su naselja Jašići, a to kad im kažeš uvrijedit ćeš ih.

Vijećnik Mustafa Bešić, Pitanje elektrodistribucije i trafo stanica u novošeherskom kraju ja sam do sad u više navrata sugerisao da imamo problem u novošeherskom kraju svi po pitanju el. energije. Potrebne su nam nove trafostanice, zamolio bih načelnika dokle se došlo s tim. Mi bez novih trafostanica ne možemo pokrenuti. I mi smo u planu ove godine da radimo javnu rasvjetu, ali sa ovakvom el. energijom mislim da je to nemoguće. Molim odgovor.

Općinski načelnik, kad je u pitanju javna rasvjeta na području općine Maglaj mi podbrano kasnimo za normalnim općinama i razvijenim općinama. Iz tog razloga imate danas ovdje ovaj Plan i program za javnu rasvjetu. Već u gradu ima određenih promijenjenih rasvjetnih zona. Imate ulica gdje umjesto 250 W ugrađena sijalica od 24 W kojoj ne treba ni prigušnica, koja je puno jeftinija kad je u pitanju potrošnja el. energije, dakle imamo efekat osvijetljenja na tim područjima da niko nije primjetio zamjenu za 250 W na 24 W. U toku dana, moguće će da ćete vidjeti u Viteškoj ulici ona prva ide sa skidanjem starih lampi, neefikasnih, ružnih, oštećenih, prljavih itd. i ugradnjom novih led svjetiljki. Taj će se projekat završiti na dijelu gradske zone i dijelu prigradske zone onoliko koliko smo od UNDP-i mogli dobiti sredstava i koliko smo mi učestvovali u tom dijelu. Stvar je jasna, želimo imati modernu rasvjetu, želimo smanjiti utrošak el. energije i izdvajanje novčanih sredstava iz Budžeta na ime el. energije. Želimo osvijetliti čitavu općinu. Iz ove sume novca koju smo imali proteklih godina mi narednih godina kad to postignemo iz same uštede možemo početi finansirati i obnovu i stubova, naravno pomoći i prigradskim naseljima. Ove godine će bit sigurno izgradnje i po mjesnim zajednicama. Kosovu smo pomenuli, Bešić je pomenuo Domislicu. Tu zaista nema rasvjete, ima dijelova u pojedinim MZ gdje su djelimično osvijetljene, djelimično nisu. Sve su to problemi koje treba rješavati. Kako ćemo to rješavati, onako kako su se rješavale i one MZ koje su do sad riješile. Općina će podržati u onom dijelu koji smo podržavali kao i do sad. Pomoći ćemo im u svakom vidu u kojem možemo. Ja sam spreman sa svim građanima, svim mještanima MZ, pa i sa rukovodstvima MZ spreman sam da radim na tome, to je naša općina, naše okruženje i trebamo ga uljepšati. Ovo što je vijećnik Abdurahmanović napomenuo ovdje bi trebalo raditi prioritete. Prioritete ćemo raditi zajedno sa građanima, gdje građani budu htjeli oni će raditi, gdje bude potreban projekat, radit će se projekti kao što su se radili i do sada. Ovo što ste nabrojali da imaju projekte, ja ne vjerujem da ima neki novi projekat, mislim da su sve projekti poput ovog za Kosovu, da li su svi iz 2010.godine, da li su svi od iste firme, ne znam. Znam da više nema ugradnje sijalica i svjetiljki od 12 W, 250 W itd. najbolje isključivo štedne sijalice, odnosno led rasvjeta. Program je takav, vjerovatno ćemo ga na godinu još malo dotjerati u smislu samog upravljanja. Imamo još jedan tehnički problem, stari način upravljanja rasvjetom i uključivanje, isključivanje. Ićemo sa sistemom elektronskim upravljačima koji su vezani za koordinate gdje se nalaze tako da se zna kad je svitanje bez obzira da li je oblačno ili sunčano vrijeme. Cilj ovog programa je da uredimo i ovaj sistem, jer ono što je urađeno 2016. godine pred izbore ono nije ličilo ni na što, onoliko rasvjetnih tijela one snage staviti instalirati zbog glasova je sramotno.

Vijećnica Šefka Hasanić, kao i na prethodne dvije tačke spominjemo non stop okvirni plan. U sazivu za sjednicu Vijeća ovo su planovi i programi, ne okvirni planovi. Ako ćemo govoriti o okvirnim planovima promijenimo naziv tačke dnevnog reda. Ovo je Plan i program. Moja replika se odnosi na izlaganje i pominjanje okvirnih planova u sazivu Vijeća to su planovi i programi, ne okvirni.

Općinski načelnik, ja dozvoljavam da svakom nije bliska svaka materija. Pročitajte naziv tačke dnevnog reda, pročitajte materijal i sami ćete vidjeti da se radi o Planu upravljanja i programu održavanja. U planu upravljanja i planu održavanja imate samo dio gdje se navodi o izgradnji buduće rasvjete i jasno sam rekao kako će se raditi buduća rasvjeta po ruralnim naseljima, u gradskoj zoni se završava sa UNDP-om i to je sva priča. Neće vam Općinski načelnik donijeti nikakav program o izmjeni, izgradnje, novim lokacijama itd. jer vi tu nemate lokacije. Pročitajte dobro materijal.

Ja ne znam kome sam ja ovdje govorio, nema plana izgradnje. Ovo je Plan upravljanja i Program održavanja. Nema tu nećete pisati nikakvu lokaciju. Lokacije će biti onako kako sam rekao u odzivu građana.

Vijećnik Safet Jašić, nije niko ni mislio da to stoji tamo i piše. Gospodin Abdurahmanović je rekao i možda nije bio jasan do kraja, ali suština je da smatramo u odnosu na ono ranije, ne kažemo da je idealno održavana i vršena izgradnja javne rasvjete na općini Maglaj, da sredstava ima dovoljno da se potpomognu ove mjesne zajednice koje nemaju javnu rasvjetu. Jednim skromnim sredstvima a koje imaju projekte, a malo je takvih, čini mi se četiri MZ da se pomogne iz ovih sredstava.

Predsjedavajuća OV, zaključujem raspravu i dajem na glasanje

ZAKLJUČAK

5.1. Usvaja se Plan upravljanja i Program održavanja sistema javne rasvjete na području općine Maglaj za 2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici.

Glasalo 12 glasova uzdržano: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik., Josip Jurišić (HDZ).

AD – 6 Prijedlog Strategije razvoja Općine Maglaj 2012-2020. godine – revidirana za period 2018.- 2020. godina;

Otvaram raspravu

Vijećnica Dženita Smajlović, Klub vijećnika SDA smatra da ovaj urađeni materijal nije nikakva revidirana Strategija razvoja općine za period 2018-2020.godina, obzirom da nema niti jednog novog prijedloga čija bi realizacija dala doprinos u razvoju općine Maglaj, nego je samo promijenjeno sufinansiranje općine u realizaciji ovih projekata, a što se po nama nije niti moralo uraditi. Klub vijećnika SDA bit će suzdržan po ovoj tački dnevnog reda. Tražimo da nam date odgovor koliki je iznos naknada timu koji je radio na revidiranju Strategije općine Maglaj i koliko je to koštalo Općinu.

Nermin Bešlagić, shodno prethodnoj sjednici Općinskog vijeća i zaključka OV koji je uputio tada predstavljeni nacrt revidirane Strategije na javnu raspravu. Početkom januara je objavljena i provedena uvid i javna rasprava nakon čega je 17. januara održana završena javna rasprava. Nažalost nastavljena je praksa nezainteresovanosti i slabog odziva i uključenosti građana kao i drugih aktera u proces donošenja odluka u procesu planiranja, tako da se ne može biti zadovoljan rezultatima javne rasprave. Broj ljudi koji je učestvovao u javnoj raspravi dao je određeni broj sugestija, prijedloga, primjedbi, koje su razmotrene i dijelom ispoštovane, uključuje i dijelom su bile uključene u prethodne projekte koji jesu bili sadržani u Strategiji.

Što se tiče konstatacije da li je revidirana, ili nije i da li je trebala, konstatacija je da je to na određeni način metodološka obaveza da se na pola period implementacije provede revizija Strategije, tako da nije bilo u pitanju pogađanje hoće se raditi ili ne. To je bila jedna obaveza koja se morala uraditi i koju rade sve druge jedinice lokalne samouprave.

Što se tiče samih nekih ostalih smjernica one su već date na prethodnoj sjednici OV, tako da nema potrebe da ponavljamo o samim tim elementima. Revizija je izvršena, revizija sadrži sve potrebne informacije ona je na određeni način prilagođena aktuelnoj situaciji, a s druge strane isto tako je i uključila jedan broj novih projekata koliko je ko uspio i prepoznati i počev od tih momenata reagovanja u kriznim situacijama kao što su projekti jedan set projekata, zatim projekti uključivanja dijaspore, projekti uključivanja nekih drugih usluga općine Maglaj, tako da postoji jedan značajan broj projekata. S druge Općinski razvojni tim nije se opredijelio za radikalnu konstrukciju te Strategije s obzirom da je preostao još taj period od 2,5 – 3 godine tako da nije bilo realno niti racionalno prevrnuti sve te projekte iz početka kreirati nove, tako da će 2020. godina biti prilika za izradu potpuno nove Strategije.

Što se tiče naknade za rad članove ove komisije, sa žaljenjem mogu konstatovati da nismo dobili još ni marku.

Predsjedavajuća OV, zaključujem raspravu i dajem na glasanje

Z A K L J U Č A K

6.1. Usvaja se Prijedlog Strategije razvoja Općine Maglaj 2012-2020. godine – revidirana za period 2018.- 2020. godina i kao takav verificuje kao osnovu lokalnog razvoja u periodu 2018-2020. i plan rada općinske administracije kao i svih drugih aktera lokalnog razvoja a Plan implementacije i indikativni i finansijski okvir za 2018-2020. godina kao akcioni plan implementacije za 2018. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ).

Glasalo 10 glasova uzdržano: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA).

U vrijeme glasanja Mustafa Buljubašić samostalni vijećnik, nije bio prisutan u sali

Pauza za ručak do 12,40 sati.

AD – 7 Plan i program rada «KJD» d.o.o. Maglaj za period 01.01. – 31.12.2018.godine;

Mehmed Bradarić, uvodno izlaganje

Najavljujem dvije ispravke u ovom materijalu na strani 31, 32 i 33 u vertikalni kad su u pitanju okvirni datumi, tamo stoji 2017. godina, nije nego 2018. godina i na strani 24. nabavka mobilijara cifra je u redu, tamo su ostali oni restlovi, klupe, ne treba ništa da stoji.

Vodosnabdijevanje, nema problema, svaki dan se vrše analize tako da voda u gradskom vodovodu je potpuno ispravna.

Ono što moramo uraditi jeste okončati postupak izrade Projekta elaborata zaštite izvorišta. Mi imamo dva izvorišta Bistrica i Misurići. Izvorište Bistrica daje 6/7 negdje oko 600 000 m³ vode u sistemu, a izvorište Misurići zajedno sa «Natron» oko 100 000 m³ vode. Taj dio moramo zaštititi i očistiti...

Radimo na proširenju nivoa organizovanog odvoza smeća, jako veliki broj mjesnih zajednica nije bio zahvaćen odvozom smeća. Za ovaj mjesec dana odvozi se smeće i prve račune su dobili u MZ Kopice, Grače od danas ide odvoz smeća. Parnica također ovih dana. Stari grad je bio problematičan, i taj problem smo riješili. Jablanica također ima jedan dio koji nisu bili prijavljeni sada jesu. Krsno Polje također jučer su bili pa samo se dogovorili. Zaseok Koreja također i to je riješeno. Mladoševica, Josip je tu dogovorili smo se da dođem gore i da pokrenemo te radnje. Bradići jedan dio, ostatak nije zahvaćen i to je u proceduri. Stara Rječica, to je RS drugi entitet i u dogovoru sa gradonačelnikom Doboja oni će sigurno odobriti da se i odozdo vozi smeće. Tamo gdje nije bilo odvoza smeća tamo su velike deponije i to stvara veliki problem. Mi smo napravili Strategiju uklanjanja ovih deponija i to ćemo kandidovati i pokušati riješiti.

Problem je pijaca i danas se nalazi na dnevnom redu rješavanje našeg zahtjeva. Ukoliko ne donesete odluku, zelene pijace nema, ne može nastaviti funkcionisanje i u tom smislu mora ići to rješavanje. O tome smo govorili prošli put.

Nismo čekali da se usvoji ovaj današnji Plan i program, nego smo radili i mislim da se to u dobroj mjeri primijeti. Prihvatamo sve kritike i primjedbe, ali mislim da grad i prigradska naselja su prilično očišćena i djelatnosti nastavljamo i na novošeherskom kraju gdje radi jedan čovjek. To ćemo i dalje raditi i proširiti djelatnosti, tako da će tu biti prilično dobro to riješeno.

Ubuduće želimo proširiti djelatnosti, moramo se ojačati kadrovski, fali nam i mehanizacije i u tom planu nabave na kraju možete vidjeti šta smo planirali. Parkiranje vozila jedan od velikih problema u gradu i u planu su parking aparati i vjerujem da će ovo Vijeće donijeti vrlo brzo odluku o upravljanju parking prostorima i na taj način će se riješiti ogroman problem parkiranja vozila i imate velikih zgrada ili koncentraciju gdje domicilni stanovnici ne mogu parkirati svoje vozilo, tako da je u planu i otvorene garaže. Može se o tome govoriti ako bude pitanja itd.

Sva dokumentacija vezana za gradsko groblje privodi se kraju i mi ćemo biti spremni dočekati taj dio, spremni smo upravljati gradskim grobljem.

Naš najveći problem jesu mehanička radionica, garaže itd. Ono gore gdje jesmo kod stadiona, to ni našto ne liči, mi se nalazimo u blatu, otvoreni prostor, mašine kisnu, hrđaju, zapušteno je. Drače rastu, gume dođu ko ograda i to ni na što ne liči i mi želimo taj prostor uljuditi, općinski prostor jer u Odluci piše da je općinski prostor. Želimo ekonomičnije raditi, gore mi imamo gore tri radnika koji su čuvari i to jako opterećuje KJD i naravno sreća dva odoše u penziju i postoje druge naprednije metode koje će to pitanje riješiti, sve je prosperitetno što se gore želi uraditi i kad budete odlučivali, ja bih vas molio da dobro razmislite.

Ono što je veliki problem u KJD jesu dugovanja. Građani fizička i pravna lica KJD duguju skoro milion maraka. Od prilike je to 60% fizička lica i 40% pravna lica. Tužbe su davno podnesene KJD zastupnik je podnosio tužbe i veliki broj ljudi je tužen...

Nova odluka kaže da svi ljudi moraju plaćati, niko ne može biti oslobođen i po tom pitanju moramo svi zajedno nešto učiniti da onih što ne plaćaju bude što manje.

Svi građani ne vode računa o komunalnom redu, vodi samo KJD i to vam je najgora varijanta. Na svu sreću ona ne postoji, postoje svjesni i savjesni građani koji uredno plaćaju koji drže do svojih prostora oko zgrada, kuća, korita rijeka gdje žive i s naše strane mi ćemo sve učiniti da taj prostor oplemenimo, ali ne možemo sami. Svi moramo biti u tome partneri i svima nam je cilj da uredimo naš grad da on bude jedan od najljepših prostora za život.

Otvaram raspravu

Vijećnik Mustafa Bešić, mi ćemo podržati ovaj Plan i program rada «KJD» d.o.o. Maglaj. Želim istaći i jako mi je drago da je veliki broj MZ ušao u organizovani odvoz smeća. Posebno što su se skoro sve mjesne zajednice na novošeherskom kraju uključile u organizovani odvoz smeća. Pohvaljujem KJD koji stvarno radi do sad fer i korektno dolaze tačno i nije bilo problema oko odvoza smeća.

Rekli ste da jedan radnik radi u Novom Šeheru, želim sugerisati da se obuhvate sve mjesne zajednice bar po jedan dan, imamo Kopice, Čobe, Domislicu, Novi Šeher, da se izdvoji, tamo gdje je najpotrebnije gdje imamo javna okupljanja poligone, džamije, dječija igrališta itd.

Vijećnica Irena Herceg, stav Kluba vijećnika SDP-a je da nam je drago gospodine Bradariću da niste čekali da se usvoji Plan i program, nego ste odmah počeli sa temeljitim čišćenjem i uređenjem grada. Na samom početku vašeg mandata dočekalo vas je nevolje i vjetar vrlo brzo ste reagovali i uklonili sve tragove nereda što je za svaku pohvalu. Brojni su napredci koje možemo vidjeti na terenu od uređenja spomenika, sadnica uz rijeku Bosnu, mobilijara, uređenja gradine, do uključivanja svih mjesnih zajednica u odvoz smeća. Posebno nam je drago da ste primijetili postojanje divljih deponija i sigurni smo da ćete u narednom periodu poduzeti nešto po ovom pitanju. Postavili bi par pitanja. U Planu javne nabavke naveli ste nabavku otvorenih garaža u iznosu od 20.000 KM, pa nas zanima šta tačno pod tim podrazumijevate? Kako ste zamislili sortiranje komunalnog otpada? Kako stojite sa novim projektima?

Vijećnica Selma Avdić, Klub SDA misli da bi akcenat po ovom programu trebalo staviti na rekonstrukciju vodovodne mreže i smanjenja gubitaka u vodovodnoj mreži, čime bi se obezbijedile dovoljne količine vode za proširenje mreže, kao i priključak još nekih n/m na gradski vodovod, a ne da se gubici vode kompenziraju povećanjem cijena. Znači još nameta na ove naše građane. U Programu je predviđeno upravljanje i korištenje parking prostorima. Općinsko vijeće nije donijelo Odluku o upravljanju i korištenju parking prostora, a ni u Programu rada Općinskog vijeća za 2018. godinu nije niti spomenuto donošenje ove odluke. Po nama ne može se u Programu govoriti ni o upravljanju i održavanju neizgrađenog gradskog groblja, a posebno ističemo da nikad nije ni dat odgovor vezano za lica koja će se sahranjivati u gradskom groblju, odnosno nije precizirano koje će to biti konfesije, da li muslimani, katolici, pravoslavci, ateisti ili ostali.

Što se tiče uređenja zelene mliječne pijace, treba sačiniti poseban program, jer ipak ovdje je navedeno koja su to sredstva iznos od 8.949,00 KM koja su uložena. Ja ipak smatram da naše sugrađanke koje rade na toj mliječnoj pijaci već odavno izazivaju negodovanje, da su to neki nameti, ipak treba izaći u susret ljudima koji tu prodaju organsku hranu kao i svoje mliječne proizvode. Stav Kluba vijećnika SDA je takav da ne prihvata Program rada KJD d.o.o. Maglaj.

Vijećnica Šefka Hasanić, u Programu rada navedene su prejudicirane odluke koje su isključivo u nadležnosti ovog Općinskog vijeća koje se trebaju donijeti, a tiču se upravljanja parking prostorima, upravljanje gradskim grobljem, povećanjem cijena komunalne takse. Na strani 4. ste naveli cijene vode održati na postojećem nivou ukoliko se ne bude mogla dobiti nova cijena. Klub vijećnika SDA insistira da cijene odvoza smeća i komunalnih usluga ostanu na istom nivou. Sami ste napomenuli težak položaj naših građana, pa kada ste rekli prekinut ćete praksu utuživanja onih koji duguju, kakva je to poruka građanima, ili meni koja redovno plaćam komunalne usluge, da ne trebam plaćati ni ja više, pa me nećete tužiti.

U planu naveli ste nabavka putničko vozilo karavan, novo vozilo. Da li je zaista potrebno nabaviti novo putničko vozilo kad imamo toliko zastarjelu mehanizaciju, kad imamo tolike potrebe za stručnim vozilima koja će pomoći radu KJD. Možda se koristiti za odlazak i dolazak na posao od karingtonke do radnog mjesta. Ne vidim potrebu za nabavku putničkog vozila. Kao što sam i prethodno rekla nabavka parking aparata to je prejudicirana stavka ovo Vijeće nije donijelo odluku o parking prostorima i nabavka otvorenih garaža vjerovatno na prostoru koji sad koristite i to je isto predmet koji trebamo donijeti na Općinskom vijeću.

Vijećnik Hajrudin Fermić, izražavam zadovoljstvo što imamo na dnevnom redu Plan i program rada KJD i posebno zadovoljstvo što je ovako detaljan, koncizan i jasan i zaista bi se moglo reći potpuno nešto novo u odnosu na ranije programe, i inače ustaljenu praksu mnogih programa i izvještaja koji nam dolaze ovdje...

Ono što želim da pohvalim što stoji u ovom planu, je zapravo i direktor u uvodnom izlaganju spomenuo, a to se odnosi i ovo prije svega što iz Kluba SDA spominju, sve je to nekako paušalno, nije stavljeno kao da će se voditi računa o gubitcima vode, kanalizacionoj mreži, ja na samom početku vidim da ste pomenuli i napisali da ćete realizovati strategiju za smanjenje gubitaka u vodovodnoj mreži. To mi se sviđjelo i to sam želio da naglasim. Jako

mi je bitno kao i političkoj opciji iz koje dolazim i koju predstavljam ovdje da ste spomenuli između ostalog i da ćete raditi na uklanjanju divljih deponija. Bivši saziv OV je prije tri godine raspravljao i imao jednu informaciju o divljim deponijama gdje je rečeno da ih je 74 od Bočinje, Ulišnjaka, pa do Kopica i to je strašno. Ja bih volio da se krene u tu realizaciju, smatram da će vam biti teško, da vam treba podrška ne samo nas vijećnika, građana, mjesnih zajednica, nego i viših nivoa vlasti i finansijska i politička da se to riješi. Ali je dobro da konačno imamo i u planu da ćete raditi na uklanjanju divljih deponija a strašno je kako nam je stanje na terenu. Ja i kao novinar vrlo često dobivam i fotografije od našeg sugrađanina koji je ribo čuvar, šta je sve strahote na javnim površinama po Moševcu, Parnici itd.

Ono što bi također istakao jeste nešto što ste vi procijenili da bi dobro bilo da se riješi, to je uređenje ovih spomen obilježja. Mi to nemamo uređeno nekom posebnom odlukom, ali dobro je da ste vi o tome razmišljali i sugerisem da u nekom narednom periodu sa predstavnicima Islamske zajednice, naravno sa Načelnikom i nadležnom Službom i predstavnicima vjerske zajednice pokušate da napravite neki korektan dogovor i o održavanju šehidskog mezarja «Podborik». Ja znam da se i ranijih godina nešto tu radilo, da se i to riješi na kontinuiran, osmišljen i planski način.

Također spominjete sortiranje komunalnog otpada i nažalost Općina Maglaj je tu prilično u zaostatku ranijih godina se malo ili nimalo na tome radilo, a ako ništa drugo neki komunalni, ekološki i finansijski efekti mogli bi se u narednom periodu i te kako pokazati kao dobri i pozitivni.

Svakako treba da se prihvati i podrži ovaj plan, i da prilikom izjašnjavanja zbog formalno pravne pozicije ovo kako mi usvojimo samo treba da bude obavezujući stav za oponomoćenika Skupštine KJD koje je nadležno za utvrđivanje Plana KJD.

Općinski načelnik, želim da pohvalim za ovaj kratak period koliko ste na čelu KJD, rezultat se očigledno vidi. Napredovanje samog Programa rada KJD je očigledno, ovo samo zlonamjerni ne mogu primijetiti napredak u gradu i u samom programu. Međutim, vi odgovarajte na pitanja koja se tiču KJD. Ja sam izašao da kažem jednu drugu stvar vijećnicima koji sjede ovdje godinama. Danas prvu tačku ste raspravljali sat, sat i po vremena, pa valjda vidite da tamo ima Odluka o javnim površinama, parking prostora su također dio javnih površina, tako da će biti uređeno sa odlukom Vijeća...

Strategija koja je ovdje pomenuta gubitak vode, Komunalno treba da se time bavi, treba da predlaže, treba da prati da registruje gdje su ti gubici. Znamo da se taj dio radi preko Općine, da taj dio dolazi iz namjenskih sredstava za rješavanje i da dio za vodovode dolazi preko programa koji se kandiduju. Kada se to završi predaje se KJD na upravljanje i opet prema programima i prema planovima koje donosi Vijeće. Ja bih vas zamolio barem kad se odnosi na nešto što se tiče rada Vijeća i općinskih službi pročitajte, edukujte se, raspitajte se i onda sigurno nećete bacati takve stvari ovdje za govornicom. Dakle, odluka o javnim površinama će obuhvatiti i parkinge. Nije ovdje Komunalno napravilo nikakav propust, nego je počelo da radi kako treba, na vrijeme je sugerisano da i oni u svoj program to stave, jer sve što završimo ove godine kada su u pitanju parkinzi, predložiti ćemo Vijeću da to damo KJD na upravljanje, a možemo napraviti partnerski odnos između Općine i KJD, imaju novaca. Ono što stoji na računu i ono što se krilo na Vijeću sve ove godine, što je svaki put dolazila pozitivna KJD 2.000 na kraju godine, nije tačno. Rezultat je drugačiji, krilo se od vijećnika od javnosti ni šef službe koji je na neki način resorni šef nije imao te podatke i zato jest plan nabavke i skipa i parkomata i svega što stoji i samog putničkog vozila...

Vijećnica Selma Avdić, poštovani Načelnice, ja nikad nisam bila zlobna, niti ću biti, ja ne znam da budem takva, ja sam odgojena u duhu vjere... Molim vas ukoliko iznosim stav Kluba SDA da govorite u ime cijelog kluba, ja nisam needukovana osoba, ja sam školovana...

Vijećnica Šefka Hasanić, kako sam napomenula u svom izlaganju, znači prejudiciranih odluka koje su tek na narednim sjednicama i trebaju biti donesene od strane ovog OV. Kao što je navedeno nabavka parkingaparata. Zašto stavljate u nabavku kad vam nije ni dato na upravljanje da upravljate parking prostorima. Možda će se pojaviti neka firma koja će biti povoljnija od KJD...

Općinski načelnik, nemam ja namjeru gospođu Avdić tako da radim kako ste iznijeli. Ja vam sugerisem na ponašanje vašeg Kluba, koji ste godinama sjedili u ovim klupama, sve je bilo regularno, sve je bilo zakonski i sve je moglo. Sad najednom ništa ne valja...

Vijećnica Šefka Hasanić, ispravka krivog navoda.

Vijećnik Muhamede Hrnjić, za ovo kratko vrijeme želim da pohvalim rad gospodina direktora. Moram se uključiti u ovu diskusiju što su gospoda iz SDA diskutovala. Ja vam još jednom kažem dobro radite i dobar prijedlog imate oko izgrade parkinga koje smo mi ovdje planirali prije 3-4 godine i i naplata da se vrši. Vaš predsjednik je govorio da je najbolje da se izdaju svi parkinzi KJD, vama sad ne odgovara. Iće na vijeće, pa ćemo ovdje odlučivati...

Vijećnik Safet Jašić, ove odgovore koje dobijamo, Klub vijećnika SDA očekuje od direktora KJD...

Vijećnica Svjetlana Zamboni, ja ne znam zašto vodimo ovoliku diskusiju o programu, posebno što smatram da je obaveza i dužnost svakog rukovodioca bilo da je JU ili JP u pitanju da viziju razvoja tog preduzeća u svom programu koji se predlaže Općinskom vijeću na usvajanje. Dakle, bolje je predvidjeti kako će se pozitivno razvijati i koji koraci treba da budu preduzeti u tom smislu, nego da u momentu kada bi JU ili JP došlo u proces realizacije nekih projekata da kažemo nije to bio dio programa ili plana. Odluka o javnim površinama je plana u

Programu rada Općinskog vijeća i parking prostor i sve te površine o kojima ste govorili su javne površine općine Maglaj i svakako će o tome biti govora. Tako da ne stoji da te odluke i te teme neće doći na red u radu Općinskog vijeća Maglaj.

Vijećnik Josip Jurišić, budući da smo u ovom Planu za 2018. godinu, direktor je rekao da će ući u program i tamo ovaj dio Mladoševice, Strupine, Galovca i već smo zakazali obilazak terena i svega, ja ću podržati ovaj Plan i mi smo po pitanju smeća ekološki osvješteni već godinama. Plaćamo privatnog čovjeka koji nam dolazi i odvozi smeće već godinama, tako da će se i ovo riješiti veoma skoro...

Mehmed Bradarić, tačka 7 i 8 su vezane, tako da neće biti potrebe da poslije izlazim. Gospodinu Bešiću kažem da novošeherskom kraju radi jedan čovjek dva dana sedmično, nikada to nije bilo. Prepoznali smo taj problem, poslali smo čovjeka da čisti i molim da se to prizna. Kamion staje pored svakog spomenika i očiste te prostor, dakle, spomenici više nisu neuređeni i nečisti kao što su bili...

Planiram da gore bude jedan radnik čitavu sedmicu tako da rasporedimo taj prostor. On će dobiti svoje zadatke, neće ga ljudi gore prozivati i ponižavati, on će dobiti zadatak šta će čistiti.

Gospođa Herceg i nekoliko pitanja je bilo za otvorenje garaže. Mi nudimo u planu, hoćel biti ja ne znam, ali ipak ste trebali pročitati sve to skupa i plan i program pa kroz ove javne površine, to je skupčano s tim. Kad to bude mi ćemo se nuditi i ništa u tome ružno nema... Pitanje otvorenih garaža ljudi, stanari oko zgrade nemaju gdje svoje vozilo parkirati. Nema tu zadnjih namjera, treba tim ljudima otvoriti mogućnost da imaju rezervisano mjesto. To nije ništa novo, mi se i tu nudimo, ako ne uspijemo...

Po pitanju novih projekata, ja nisam zatekao već nekoliko godina ni jedan projekat. Evo ovaj projekat divljih deponija koji smo napravili za mjesec dana, ovo je nauka koju smo napravili sami i nudimo da se riješi i već je kandidujemo i zajedno ćemo sa Službom i razgovarali smo više puta i sa načelnikom zajedno ćemo kandidovati...

Sortiranje komunalnog otpada skupčano je sa ovom odlukom o zemljištu Općine koju bi trebalo dati na upravljanje KJD i pitanje mehanizacije. Ono gore kako je sada ono je sramota... KJD nema skipera, nema traktora i angažuje Draču, da to radi jel to sramota, jel to bruka? Ja ću biti korektan, pa nisam rekao ništa o bivšoj strukturi, a mogao bi pričati pet dana, ali čuvat ću dignitet firme u kojoj radim sad...

Ide se u rekonstrukciju vodovoda. Povećanja cijena neće biti, ali znate da je pitanje «Nekolj» trebalo davno riješiti. Niste ga riješili. Gore je jadno, samo ste konstatovali od 2013. da treba riješiti. Načelnik i Služba našli su načina 90.000 KM da se to riješi gore i da možemo odlagati smeće. I ako inspekcija dođe i zabrani to gore, onda se to smeće mora voziti na deponiju u Doboju. Metar kubni tog smeća na Mošćanici je 53 KM, u Doboju je za nas nešto niži. Ako vi hoćete da to radimo, onda morate dići cijene. Cijene se neće povećavati, iako nisu povećane od 2008. godine. Trudimo se da na Nekolj ode što manje smeća i zato nam treba onaj prostor gore. Sortiranje smeća, imamo kontejnere u koje se mogu ubacivati limenke, plastika, staklo, papir i sve se to ubacuje u kamion. Mi ćemo na tom prostoru oplemeniti taj prostor improvizovati, to samo da ne ide na Nekolj, a da to i prodamo i nešto zaradimo i da smanjimo broj tura da manje trošimo goriva itd.

Općinsko vijeće nije donijelo odluku, čuli ste gradsko groblje završava se. Valjda je u redu da se ponudi KJD, svagdje je tako. Ja nisam rekao mi ćemo to, nego mi smo spremni i nudimo se da to pitanje riješimo zajedno.

Zelena mliječna pijaca i to je u staroj odluci iz 2012. godine rečeno da se treba ograditi i nikada niste ogradili. I sada je došla inspekcija kao i tada, i rekla da će kazniti direktora sa 1.500,00 KM i sa 15.000,00 KM firmu i onda neće biti zelene pijace. Ako vi navijate za to izvolite i onda ćete vi morati objasniti građanima i korisnicima šta je tamo. Mi s naše strane učinili smo da se cijene smanje 30%, dakle nisu nezadovoljni, odem ja tamo. Ljudi su prvi put zadovoljni. Od nove godine 20 ugovora je potpisano sa ljudima iz Tešnja, sa ljudima iz Žepča, Zenice, Visokog itd. Mliječna pijaca uljuđena, tamo će se taj prostor urediti...

Komunalne takse smanjili smo 30%, računajući da će se povećati broj naših konzumenata kao što i jeste.

Prekinuti praksu utuživanja, nisam rekao da nećemo tužiti, ali do golema zora nećemo tužiti. Ići ćemo na način da pozovemo hajde molim te plati, ako ne platiš iće utuživanje. Koristimo metodu dođite da popričamo, platite dug, niko neće biti oslobođen. Moraju ljudi plaćati komunalije, to je civilizovano 4-5 KM, to je kutija cigareta. Moraju po zakonu, niko neće biti oslobođen, osim nekih teških slučajeva, ali će prije toga biti opomenuti. Ne na način, sad to moram reći da se izađe u susret drugim licima, da profitiraju druga lica. Ja sam zatekao jako katastrofalno stanje u firmi, nema kadra. Tamo vam fali pravnik, jel to smišljeno ili nije ali fali pravno lice. Nekolj je bio u jednom stanju, nije ni jedna mašina nabavljena, mi nemamo mašina, nema mehanizacije, nije bilo pokriveno čitavo područje. Za ovih mjesec dana mi imamo novih 600 ljudi koji će plaćati, izjave su potpisane, uključujući i Mladoševicu. Nikada niko nije pitao te ljude u Mladoševici hoćete li vi voziti to smeće. Gubitci su bili veliki u vodi, trudimo se da se ti gubitci smanje, mi prostora nemamo. Hoćemo da ga dobijemo. Ni jedan projekat nije bio. Javašluk je bio ljudi su dolazili kad su htjeli na posao, danas nema toga više, od 7-15 se radi...

Svi bi mi imali u kući ostatka para koliko hoćete, da ne kupujemo odijelo, da ne školujemo djecu, da ne kupujemo hranu itd. To svako može ostati u kući ali morate kupovati. Ne može biti komunalna firma bez mehanizacije, bez alata, radnici nisu imali odijela...

Imate pravo na kritiku, na sugestije, ali bih vas molio da uvažavate i poziciju i godine.

Vijećnica Šefka Hasanić, ja ni jednom svojom rečenicom nisam dovela u pitanje vaš dignitet i vaše godine gospodine direktore, a moje pravo vijećnika je da ono što mi je nejasno i ono što smatram da ne treba da bude

pored svih problema, koje ste vi naveli, pored mehanizacije da se kupuje putničko vozilo nisam za to i ne podržavam taj stav...

Vijećnik Safet Jašić, nisam dobio odgovor da li je deficit ili suficit, o tom po tom. Ne slažem se sa diskusijom ništa nije valjalo, sad odjednom sve valja. Ja se slažem da je bilo dobro i ono, a nije ni ovo loše i ovo je dobro. Direktor KJD je svaki put bio pohvaljivan u izvještaju i sad odjednom ništa ne valja, a za dva mjeseca sve valja. To nije korektno prema prethodnicima ...

Pauza za koalicioni blok

Vijećnik Hajrudin Ferić, usaglašeni stav koalicionog bloka

Da se prihvati Plan i program KJD Maglaj za 2018. godinu i obavezuje se opunomoćenik u Skupštini KJD d.o.o. da prihvati ovaj plan i program na slijedećoj sjednici Skupštine kad se bude razmatrao. Zadužujemo Općinskog načelnika da odredi opunomoćenika kada dođe vrijeme za sazivanje sjednice Skupštine i da mu da upute da glasa.

Predsjedavajuća OV, zaključujem raspravu i dajem na glasanje

ZAKLJUČAK

7.1. Prihvata se Plan i program rada «KJD» d.o.o. Maglaj za period 01.01. – 31.12.2018.godine.

7.2. Obavezuje se Općinski načelnik da imenuje i ovlasti punomoćnika koji će prihvatiti ovaj Plan i program rada «KJD» d.o.o. Maglaj na sjednici Skupštine KJD Maglaj.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ).

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

AD – 8 Program javne higijene i zimsko održavanje gradskih ulica za 2018. godinu;

Otvaram raspravu

Predsjedavajuća OV, nije bilo rasprave, zaključujem raspravu i dajem na glasanje.

ZAKLJUČAK

8.1. Usvaja se Program javne higijene i zimsko održavanje gradskih ulica za 2018. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ).

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

U vrijeme glasanja vijećnica Selma Avdić, nije bila prisutna u sali.

AD – 9 Prijedlog Odluke o davanju zemljišta na privremeno korištenje Komunalnom javnom društvu d.o.o. Maglaj;

Fuad Hajrulahović, uz sazivu za današnju sjednicu dobili ste i Prijedlog Odluke o davanju zemljišta na privremeno korištenje Komunalnom javnom društvu d.o.o. Maglaj. KJD Maglaj obratilo se Općinskom načelniku, Općinskom vijeću i Službi da im se zemljište koje trenutno privremeno koriste u južnom dijelu grada da na upravljanje na period od deset godina. Vi dobro znate da je KJD u majskim poplavama 2014.godine ostalo bez dobrog dijela imovine i objekta kojeg su koristili na obali rijeke Bosne. Isto tako znate da je Općina Maglaj u periodu od 10-15 godina otkupila zemljište od firme «Zovko gradnja», nakon te kupovine Islamska zajednica BiH podnijela je zahtjev za povrat imovine, tvrdeći da je to imovina Islamske zajednice. Trenutno taj predmet još uvijek je u radu, nema konačne odluke i još će se na tome raditi ne mogu tvrditi koliko i bez obzira na sve i činjenicu da se vodi spor između Islamske zajednice BiH i Općine Maglaj oko dokazivanja vlasništva u članu 2. ove Odluke mi smo napisali u slučaju da u periodu korištenja dijela zemljišta iz člana 1. ove Odluke dođe do promjene vlasništva na parceli iz člana 1. ove Odluke, ova odluka prestaje da važi. Također u članu 3. smo stavili da Općina Maglaj ne snosi nikakve odgovornosti kod prestanka korištenja zemljišta iz člana 1. Odluke i uklanjanja eventualno izgrađenih sadržaja i objekata na istom. Znači radi se o zemljištu k.č.br. 2445/1 zvana «Vrhpolje» kuća koje ima površinu cca 7 duluma. Od tih 7 duluma ono zemljište koje trenutno sad koristi KJD je negdje oko 2.700

m², i to je površina koja trenutno može zadovoljiti potrebe KJD Maglaj. S obzirom da Općinsko vijeće je nadležno za donošenje Odluke o upravljanom imovinom Općine, odlučivanja o njenom sticanju i raspolaganju po predmetnom zahtjevu, sačinjen je prijedlog odluke o davanju zemljišta na privremeno korištenje KJD koje je dostavljeno Općinskom vijeću na razmatranje i odlučivanje. Imate i grafički prikaz, znate dobro gdje je smješteno KJD između «Sirovina-eko» i Ulice Srebreničkih žrtava, preko puta Benzinske pumpe «Džino» i neposredno uz poslovne prostorije firme «Herceg». Ovaj istrafini dio je zemljište koje koristi KJD Maglaj i koje se još uvijek vodi u Katastru na Općini Maglaj. To je orijentaciona površina oko 2700 m². Trajnih objekata nema, to zemljište se nalazi u Poslovnoj zoni A za koju opet Općinsko vijeće donosi odluku za izgradnju stalnih objekata. Ono sve što može se raditi trenutno na tome to su neki pokretni objekti sa malom vrijednošću. Zato smo i rekli da Općina neće snositi nikakve troškove jer smo mislili na te male objekte, odnosno nadstrešnice koje su trenutno potrebne da se izgrade za vozila i mehanizaciju koja ima i koja će se nabaviti.

Vijećnik Muhamed Hrnjić, Komisija za privredu, prostorno uređenje, urbanizam i zaštitu okoliša je održala sastanak 25.01.2018. godine u kompletnom sastavu i predlažemo Općinskom vijeću da se donese Odluka o davanju zemljišta na privremeno korištenje KJD d.o.o. Maglaj. Komisija sugeriše Općinskom vijeću da se obaveže Općinski načelnik i KJD Maglaj da dogovore način privremenog korištenja zemljišta u skladu sa Odlukom o davanju u zakup građevinskog zemljišta u državnoj svojini broj: 02-05-1-681/05 od 28.04.2005.godine.

Otvaram raspravu

Vijećnik Elvir Vehabović, u ime koalicionog bloka izjavljujem da ćemo podržati ovu odluku i da razriješimo neke dileme. Pošto smo većina nas i ja sam jedan od tih dobili urgenciju od strane Islamske zajednice BiH Vakufska direkcija Sarajevo. Moj izlazak je više povodom tog pisma gdje je malo ružno sročeno. Citiram «na ovaj način Općinsko vijeće bi direktno kršilo zakonske propise neovlašteno raspolaganje nekretninama, što može imati dalekosežne posljedice ne samo za Općinsko vijeće već i za svakog vijećnika. U tom konkretnu predlažemo Općinskom vijeću da ne vrši bilo kakve radnje koje bi negativno mogle uticati na ovaj predmet».

Oni znaju koja će sudska presuda biti donesena, a onda kažu da mi ne radimo ništa jer bi mi mogli promijeniti tu sudsku presudu, negativno uticati na taj predmet. Mislim da ne može se uticati na sud. Osim, navedenog želimo urgirati prema Općinskom vijeću u smislu dugotrajnosti postupka koji smo pokrenuli, izbjegavanje Službi Općine Maglaj da riješe predmet u našu korist. Kao da mi utičemo na Službe Općine Maglaj da se riješi predmet u njihovu korist. Malo mi je i to zaparalo uši. Kaže predmet traje od 2010. godine, pa ne znam ko je kočio i kako sad se može uticati na Službu, da Služba riješi u njihovu korist. Mislim da su mogli malo ljepše ovo složiti.

U Odluci u članu 2. se jasno kaže u slučaju da u periodu korištenja dijela zemljišta iz člana 1. ove Odluke dođe do promjene, odnosno ukoliko se utvrdi da je to vlasništvo pripada, ukoliko Sud donese odluku da pripada Vakufskoj direkciji i da ova naša odluka prestaje da važi. Trenutno je općinska, ako Sud odredi da je Vakufska, nije više općinska, ova odluka prestaje da važi.

Vijećnik Mustafa Bešić, i ja bih napomenuo da sam kao Klub samostalnih vijećnika dobio od Vakufske zajednice BiH ovaj dokument, da se ne bi puno osvrtao oko ovog papira. Mene interesuje a želim i radi javnosti da ne bude nekih nedoumica da mi nešto ko navlačimo, a nismo ni mi toliko u toku. Ovdje vidim Općinsku pravobraniteljicu, molio bih da se ona očita i iznese sve to radi javnosti.

Vijećnik Mustafa Buljubašić, kao član Komisije mogu potvrditi da ovo što je Muhamed rekao je da je ovo bilo na Komisiji, ali ima nešto i što nismo rekli. Mi smo na komisiji raspravljali o tome po kojem se načinu može dati, kako se može dati, da se ne može dati đaba, s obzirom da KJD naplaćuje našim građanima sve usluge, ne daje ništa đaba i da preko puta te ceste imamo ljude koji koriste isto tako zemljište i plaćaju određenu naknadu. Mislim da je to trebalo kazati, radi ljudi radi istine i zašto bježati od takvih stvari. To je rečeno i kazali smo tako. Da ne govorim ja ko je potegao to pitanje, ima ljudi u komisiji koji neće da budu krivi ukoliko bude kakav spor. Hoće da kažu mi jesmo to govorili, jesmo za to da se dadne, ali da se dadne pod nekim uslovima, a ne da se izostave takve stvari, ja smatram da je to jako bitno. .

Vijećnik Muhamed Hrnjić, replika

Ovo je istina što Mustafa Buljubašić kaže, ali je trebao i slušati šta sam ja pročitao i mi smo dogovorili i opet ću pročitati. Komisija sugeriše Općinskom vijeću da se obaveže Općinski načelnik i KJD Maglaj da dogovore način privremenog korištenja zemljišta u skladu sa Odlukom od 28.04.2005.godine, a po ovoj Odluci piše da se ne može ništa davati besplatno, nego da se može i mora naplaćivati i nekakva je cijena najniža od koje treba da ide 0,20 feninga.

Vijećnik Safet Jašić, mi smo na Klubu razmatrali ovaj materijal i ja sam dobio na ime Kluba isti dopis kao što su dobili i ostali klubovi. Cijenimo i poštujemo izneseno od strane gospodina Hajrulahovića, što se tiče ovog zemljišta svima nam je jasno da je upitan status ovog zemljišta. Historiju je rekao gospodin Hajrulahović itd. međutim, u ovom novom se pojavila Vakufska direkcija BiH. Ne znam i nisam siguran kome ovo pripada, ali mislim da je trebalo prije donošenja ove odluke obaviti razgovor sa Vakufskom direkcijom, a meni je drago da ima ovdje advokat koji zastupa Vakufsku direkciju, odnosno Islamsku zajednicu. Mi nismo bili načisto 100%. Ovo sad što mi imamo zauzeli smo stav kao Klub, želim čuti prvo advokata, pa ćemo se onda izjasniti o stavu Kluba. Volio bih da čujem šta i on kaže, ali sve mi naginje na to da su ljudi iz Vakufske direkcije ti s kojima je trebalo obaviti razgovor.

Nermina Botonjić, ne bih dužila, obzirom da su prethodnici već dovoljno rekli i iznijeli svoje stavove. Ja jedino što mog u sa sigurnošću reći a to je 100% tako i nikako drugačije i pravne sigurnosti radi da je predmetno zemljište u posjedu i vlasništvu Općine Maglaj. To znači da Općina Maglaj raspolaže svojim zemljištem i činjenično je da se vodi upravni postupak koji je već nekoliko puta odlazio i vraćao se po žalbi, sa različitim odlukama II-stepenog organa. Kada je gospodin Hrvačić, advokat imao upliva u takve odluke, onda su one mnogo drugačije glasile i svakako nisu bile u skladu sa Zakonom. Služba u kojoj sam ja prije radila, poslije sam odlazila i kao Pravobraniteljica zajedno sa kolegama smo posjetili rukovodioca II-stepenog organa i sam je rekao, dovoljno ste mi rekli ko je zastupnik i ko je obrađivao. Što znači, to je sve upitno, kako će postupak biti završen, on jest u toku, kako će biti završen mi to ne znamo, iz razlog razloga je ovom Odlukom u članu 2. predviđena jedna pravna sigurnost odnosno obaveza KJD Maglaj, da eventualno ukloni postavljene mašine ili nešto od montažnih objekata, također, članom 3. je izričito ukinuta bila kakva odgovornost Općine u slučaju eventualne tužbe od strane KJD, mi nemamo nikakvih obaveza. To je ono što stoji ovdje, dalje za ove prijedloge Komisije vezano za usklađivanje sa Odlukom koja govori o zakupu, to je ono što ćete vi da li odlučiti ili ne, a što se tiče konkretno prijedloga Odluke, on daje jednu sigurnost pravnu sigurnost. Radi se o zemljištu o vlasništvu i posjedu Općine Maglaj. Daje pravnu sigurnost za Općinu Maglaj i ne utiče na postupak koji se vodi, ne ograničava ga ni vremenski. Iskreno rečeno, cijeneći dosadašnje postupke, vrlo često vi kroz moj izvještaj znate čuti dugotrajan postupak i zaista je dugotrajan, to traje godinama. Jednostavno odlazi, vraća se, kod drugostepenog organa. Ja radim od 1996. godine drugostepeni organ a to je Federalna uprava nije donijela konkretnu odluku, samo je vratila na ponovni postupak. Da li sam bila dovoljno jasna, ili treba još obrazloženja.

Vijećnik Hajrudin Fermić, predlažem da se u nazivu ove Odluke briše riječi «na privremeno korištenje» i «10 godina». Sve ostalo da ostane isto, a predlažem zaključak koji bi naravno dali na glasanje, a taj zaključak bi bio: Zadužuju se Općinski načelnik, nadležna Općinska služba, Općinski javni pravobranilac i direktor KJD Maglaj da u roku od 90 dana od dana donošenja ove Odluke, istraže, iznađu i dostave Općinskom vijeću odgovarajuće prijedloge Odluka ili rješenja koje će dugoročno i sistemski riješiti pitanje radne površine KJD Maglaj za gradnju i korištenje alatnice, voznog parka i sortirnice, a u skladu sa važećim zakonima koji regulišu upravljanje državnim zemljištem i članom 33. Zakona o komunalnim djelatnostima.

Bašić Eldin, advokat iz Maglaja, punomoćnik Islamske zajednice BiH u predmetu vraćanja zemljišta zv. «Vrhpolje» u vlasništvo Islamskoj zajednici. Naime, kao što je kolegica rekla u toku je upravni postupak koji se vodi pred Službom za urbanizam ovdje u Maglaju i koji je još u toku. Predmet je sa Federalne geodetske uprave kao II-stepenog organa vraćen na ponovni postupak sa uputama, da tako kažem da se zemljište vrati Islamskoj zajednici u posjed i vlasništvo. Kako će se postupak završiti, to još niko ne zna. Naravno nezadovoljna strana će pravnim lijekovima osporavati donesene odluke. Vjerovatno će doći i do upravnog spora, međutim aktom koji je 25.01. ove godine upućen od strane Islamske zajednice, na ruke gospodina Lokmić Nedžada navedene su i odredbe člana 356. i 366. Zakona o stvarnim pravima to je novi Zakon koji reguliše vlasništvo pravni odnos, gdje se kaže da bilo koja zemljišta koja su nekad ranije izuzeta nacionalizacijom ne mogu se davati u dugoročne zakupe i da o tome treba voditi računa. Naravno vidim da je i Općina u članu 2 i 3. predložene Odluke svjesna eventualnih posljedica vraćanja zemljišta u vlasništvo Islamske zajednice, pa s toga molim da o svemu ovome razmislite prilikom glasanja kako se ne bi dogovorilo da dođe do donošenja nekakve odluke koja može imati nesagledive posljedice posebno po KJD Maglaj.

Vijećnik Safet Jašić, čuli smo izlaganje gospodina Bašića i sad nam je mnogo jasnije i mi kao Klub smo zato da se KJD izade u susret da se obezbijedi adekvatan prostor za njihove potrebe, a u ovom slučaju mi ćemo podržati stavove Islamske zajednice koji je predmet rasprave.

Nermina Botonjić, zaista te odredbe govore o društvenom zemljištu s pravom korištenja, ali ja i dalje tvrdim da je Općina Maglaj upisana kao vlasnik i posjednik na predmetnom zemljištu, znači ona raspolaže svojim zemljištem. Činjenično je da je upravni postupak u toku, sve stoji, ali i on je isto tako neizvjestan a do tada smo mi vlasnici.

Vijećnik Mustafa Bešić, ja sam tražio odgovor od institucije Općine Maglaj, dobio sam odgovor koji ste svi čuli. Znači vlasnik je Općina Maglaj, kad će se završiti i mi ovo podržavamo. Ne vidimo nikakve smetnje i ne želimo stvarno da donosimo neku odluku, radimo sve kako treba i tako ćemo i nastaviti.

Pauza za Klub koalicionog bloka

Vijećnik Hajrudin Fermić, u ime koalicionog bloka ostajemo pri prijedlogu da se briše u nazivu «korištenje na određeno vrijeme», zatim da se zaduži Općinski načelnik, direktor KJD i Općinski pravobranilac da nakon donošenja ove Odluke riješe odnosno regulišu međusobna prava i obaveze. Odustajem od ranije iznesenog prijedloga zaključka.

Pauza za Klub SDA.

Vijećnik Safet Jašić, nismo primijetili ništa da je novo izneseno od strane dopredsjedavajućeg i Klub vijećnika SDA ostaje pri svom stavu.

Predsjedavajuća OV, dajem na glasanje prijedlog koji je iznio gospodin Fermić vezano za ovu tačku dnevnog reda i predlažem

ZAKLJUČAK

9.1. Usvaja se Odluka o davanju zemljišta na privremeno korištenje Komunalnom javnom društvu d.o.o. Maglaj, uz korekcije da se briše tekst u naslovu odluke «na privremeno korištenje» i u članu 1. Odluke da se briše tekst «na 10 godina».

9.2. Zadužuju se Općinski načelnik, Direktor KJD i Općinski pravobranilac da nakon donošenja ove Odluke regulišu međusobna prava i obaveze.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (S BiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

AD – 10 Prijedlog Odluke o davanju zemljišta na privremeno korištenje Komunalnom javnom društvu d.o.o. Maglaj, za organizaciju zelene pijace;

Fuad Hajrulahović, rješavajući po zahtjevu KJD d.o.o. Maglaj Služba u saradnji sa Načelnikom napravila je prijedlog Odluke o davanju zemljišta na privremeno korištenje KJD d.o.o. Maglaj za organizaciju zelene pijace. Iz obrazloženja vidite da se KJD d.o.o. Maglaj obratilo Općinskom načelniku, Općinskom vijeću i Službi zahtjevom za dodjelu zemljišta za organizovanje zelene pijace u Maglaju. Vi znate svi gdje se nalazi zelena pijaca u Maglaju, da ta pijaca egzistira od 1986.godine, s tim da nikada zemljište, govorim samo zemljište nije dato na upravljanje KJD. U Ugovoru o zajedničkom ulaganju sredstava za finansiranje izgradnje I faze Tržnog centra koji je zaključen između SIZ-a stanovanja, MZ «16. april» i KRO «16. april» danas KJD d.o.o. Maglaj, koji je zaključen 15.11.1984. godine definisana je zajednička izgradnja pijace u Maglaju. Da vas ne bi otperečivao tim, tu su tačno definisanja i podijeljena ulaganja i prema tadanjim vrijednostima ukupna vrijednost za izgradnju pijace bila je 33 miliona nekih para. Iz tih para urađen je plato, spoljna kanalizaciona mreža, spoljna vodovodna mreža, spoljna toplovodna mreža, tržni stolovi, javni WC, podstanica centralnog grijanja, baždarnica vagi, spoljna rasvjeta i parking prostor sa ukupnom vrijednošću kako sam rekao 33 miliona. U ugovoru o prijenosu osnovnih sredstava bez naknade koji je zaključen 30.03.1986.godine između SIZ-a stanovanja, Komunalne djelatnosti, lokalne puteve Maglaj i KRO «16.april», sva osnovna sredstva su prenesena na KRO «16.april! prednik KJD Maglaj. 22.12.1986.godine KRO «16.april» je donijelo odluku o preuzimanju osnovnih sredstava. Sva osnovna sredstva koja su nabrojana prilikom izgradnje i izgradnjom zelene pijace ili tržnice kako stoji u ovoj odluci, osnovna sredstva su u vlasništvu KJD. Jedino nije tada da li greškom ili propustom, zemljište na kome je izgrađena gradska pijaca nije prešla na upravljanje ili u vlasništvo ili na korištenje KJD.

Ovom Odlukom koja je prijedlogu zemljište taj plato za pijacu i parking prostor koji je izgrađen izgrađen je između tri poslovna prostora i parking u ulici Ilijasa Smajlagića. Ova parcela 1603 koja je kompletna parcela koja obuhvata i prostor saobraćajnice koja ide prema bivšoj robnoj kući i koja ide ispred poslovnih prostora i parcela 1600/1 koja je paralelna sa sjevernim dijelom pijace. Znači sad imamo organizovanu pijacu sa jednim dijelom u centralnom dijelu gdje su bili postavljeni stolovi i imamo organizovanu pijacu na parking prostoru, koji je u prvom dijelu bio organizovan kao parking, kasnije se pokazalo da broj stolova i površina ne zadovoljavaju i onda je KJD na prostoru parkinga postavilo i stolove za organizaciju zelene pijace. Zašto ovo sve nakon tih 1986.godine došlo? Iz jednog prostor razloga zato što stupanjem na snagu Zakona o unutrašnjoj trgovini BiH koji je stupio na snagu 26.10.2017.godine upravitelj pijace mora ispoštovati određene zakonske propise, da bi ta pijaca mogla da se organizuje i održava jedan dan ili više dana u sedmici. Sagledavajući sve ove materijale koje sam vam iznio od ugovora o zajedničkom ulaganju, izgradnju, prijenosu sredstava, Služba je dala prijedlog ove Odluke da se KJD Maglaj da na korištenje zemljište ukupne površine oko 2.680 m² sa parcele 1600/3 znači dio te parcele i da se da cijela parcela koja je u površini, odnosno jedan mali dio parcele od 424/2 «Nova varoš» površine od 561 m². Tačna površina i stvarni obuhvat bit će definisani kroz urbanističko tehničke uslove čime će se definisati i uređivanje i pristup i pristupne komunikacije za zelenu pijacu. Ovdje šta je vrlo bitno naglasiti, a to je da ovom odlukom ukoliko vi to danas prihvatite ostaje obaveza KJD da u dogovoru sa korisnicima poslovnih prostora koji gravitiraju na to područje, koji su orijentisani prilazom robe i ostalih usluga da se mora obezbijediti pristup neometan. To neće moći biti srijedom kad je pijaca kod nas u 100%, ali u ostalim danima hoće i ja mislim da će tu biti razumijevanje i od samih korisnika poslovnih prostora i od KJD Maglaj. Imate u obrazloženju šta je KJD spremno da uradi da bi to bilo sve u funkciji, ukoliko ovo ne uradimo, ostaje nam da zelenu pijacu ili držimo ilegalno ili da je zatvorimo.

Vijećnik Hajrudin Fermić, slično kao i na prethodnoj tački dnevnog reda ću predložiti nešto. Žalosno je da sad dolazimo u situaciju da pod hitno rješavamo pitanje pijace, i 2017. godine su donesene izmjene, a 2010. godine je

taj Zakon o unutrašnjoj trgovini je dobro propiso samo ih pooštrio još u inspekcijском nadzoru. Dakle od 2010. godine a da ne govorimo šta je bilo prije. Zbog toga govorim da najprije u preambuli osim Zakona o principima lokalne samouprave Statuta, stavimo i članom 5. Zakona o komunalnim djelatnostima koji kaže: «Općina obezbjeđuje obavljanje komunalnih djelatnosti određeno ovim Zakonom, naravno pijace, pa Zakona lokalne samouprave itd. Nećemo stavljati član 36. ko finansira izgradnju komunalne infrastrukture, predložiti ću da se isto tako briše u ovom nazivu odluke privremeno korištenje i u članu 1. na period od 10 godina, samo taj dio da se izbriše slično kao i u prethodnoj odluci. Ostalo prihvatamo.

Vijećnica Šefka Hasanić, Klub vijećnika SDA je protiv donošenja odluke o davanju zemljišta na privremeno korištenje KJD Maglaj, za organizaciju zelene pijace bez naknade.

Predsjedavajuća OV, zaključujem raspravu i dajem na glasanje

ZAKLJUČAK

10.1. Usvaja se Odluke o davanju zemljišta na privremeno korištenje Komunalnom javnom društvu d.o.o. Maglaj, za organizaciju zelene pijace. U preambuli Odluke dodati člana 5. Zakona o komunalnim djelatnostima, u naslovu Odluke brisati tekst «na privremeno korištenje» i u članu 1. brisati tekst «na 10 godina».

10.2. Zadužuju se Općinski načelnik, Direktor KJD i Općinski pravobranilac da nakon donošenja ove Odluke regulišu međusobna prava i obaveze.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

AD – 11 Prijedlog Odluke o zamjeni nekretnina (Arnautović Have Amira) iz Maglaja;

Fuad Hajrulahović, Služba je provodeći postupak imovinskih odnosa po zahtjevu Arnautović Amira iz Maglaja, vi se sjećate da je Općinsko vijeće, da bi mogla ova odluka biti predložena i da bi se moglo o njoj odlučivati, na sjednici od 05.12.2017.godine Općinsko vijeće donijelo Odluku o gubitku statusa javnog dobra...

Iz obrazloženja možete vidjeti kompletnu hronologiju i Služba smatra u saglasnosti sa vještakom i Pravobraniocem, da nema nikakvih smetnji da se ova odluka da Općinskom vijeću na razmatranje.

Otvorena je rasprava

Vijećnik Mirsad Bežić, Klub SDA podržava prijedlog Odluke o zamjeni nekretnina Arnautović Amira iz Maglaja.

Predsjedavajuća OV, zaključujem raspravu i dajem na glasanje

ZAKLJUČAK

11.1. Usvaja se Odluke o zamjeni nekretnina (Arnautović Have Amira) iz Maglaja.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 12 Odluka o visini naknade članovima Općinske izborne komisije;

Predsjedavajuća OV, pravni osnov za donošenje ove Odluke sadržan je u Zakonu o izmjenama i dopunama Izbornog zakona BiH («Službeni glasnik BiH», broj: 20/4) a u vezi sa članom 2.12. Izbornog zakona BiH, kao i u članu 2. Odluke o visini naknade za rad članova Općinske izborne komisije, osnovne izborne jedinice u BiH («Službeni glasnik BiH», broj: 37/10, 41/10). Gore navedenim članovima Izbornog zakona utvrđeno je da članovi OIK-a imaju pravo na stalnu mjesečnu naknadu za svoj rad. Odluku o visini ove naknade donosi svake godine Općinsko vijeće, odnosno Skupština općine. Odlukom o visini naknade članovima OIK-a je predviđeno da članovi OIK-a u izbornom periodu imaju pravo na mjesečnu naknadu u visini isplaćenog paušala vijećnika, odnosno odbornika u toj osnovnoj izbornoj jedinici. Istovremeno je utvrđeno da članovi OIK-a imaju pravo na stalnu mjesečnu naknadu za svoj rad u visini od 30% isplaćenog paušala odbornika, odnosno vijećnika u toj izbornoj

jedinici za preostali period godine. Izborni period podrazumijeva period od dana raspisivanja izbora do dana potvrđivanja rezultata izbora. Članom 2. ove Odluke utvrđena je naknada za članove OIK-a, dakle predsjednika i ostale članove u iznosu od 230,00 KM, za izborni period, a 70,00 KM za ostali period u toku 2018. godine. Ostalim članovima se regulišu način i obaveze za realizaciju ove Odluke, a finansijska sredstva utvrđena ovom Odlukom planirana su u Budžetu Općine Maglaj za 2018. godinu.

Otvaram raspravu

Vijećnik Mirsad Bežić, Klub SDA podržava prijedlog Odluke o visini naknade članovima Općinske izborne komisije.

Vijećnik Josip Jurišić, i ja ću podržati ovaj prijedlog Odluke, a izašao sam da napomenem da jednom članu ističe mandat u trećem mjesecu da imamo na umu i to, jer se taj kandidat neće više kandidirati.

Predsjedavajuća OV, zaključujem raspravu i dajem na glasanje

ZAKLJUČAK

12.1. Usvaja se Odluka o visini naknade članovima Općinske izborne komisije.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 13 Odluka o kriterijima, mjerilima i načinu finansiranja parlamentarnih grupa političkih stranaka u 2018. godini;

Predsjedavajuća OV, u zakonskoj obavezi je donošenje ove Odluke svake godine.

Otvaram raspravu

Vijećnik Mirsad Bežić, Klub SDA podržava prijedlog Odluke o kriterijima, mjerilima i načinu finansiranja parlamentarnih grupa političkih stranaka u 2018. godini.

Predsjedavajuća OV, zaključujem raspravu i dajem na glasanje

ZAKLJUČAK

13.1. Usvaja se Odluka o kriterijima, mjerilima i načinu finansiranja parlamentarnih grupa političkih stranaka u 2018. godini.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 14 Prijedlog Odluke o osnivanju Zdravstvenog savjeta na području općine Maglaj;

Otvaram raspravu

Vijećnica Edina Jašić, Klub vijećnika SDA je protiv prijedlog Odluke o osnivanju zdravstvenog savjeta općine Maglaj, iz istih razloga koji su navedeni u Nacrtu ove Odluke, a to se prije svega odnosi na imenovanje članova Zdravstvenog savjeta.

Naš prijedlog je da subjekti koji su navedeni u ovoj odluci dostave svoje prijedloge, a ne da se popuna vrši javnim pozivom i da sve aktivnosti provodi Općinski načelnik, kako bi Zdravstveni savjet stavio pod političku kontrolu, kako je to uradio i sa nevladinim sektorom. Predlažemo da se obavezno uključi pored navedenih i predstavnik RVI. Predlažemo da iznos naknade za članove Zdravstvenog savjeta iznosi 30,00 KM, kao što je i to za članove komisija Općinskog vijeća.

Vijećnik Elvir Vehabović, slažem se sa prijedlogom da se da Ljekarskoj komori da sebi izaberu predstavnika, jer teško ćete ga naći. Neće niko da radi u komisijama. Mislim da oni izaberu zvanično dokumenta na osnovu kojih su izabrali kojeg predstavnika ta udruženja.

Vijećnica Svjetlana Zamboni, ne znam po koji put pozivam sve predstavnike političkih stranaka da se uključe u javnu raspravu. Da ste bili prisutni na javnoj raspravi vidjeli biste da je jedan od zaključaka javne rasprave bio da ovi subjekti koji su predloženi u sastav Zdravstvenog savjeta, javni poziv je zakonom propisan, to ne možemo izbjeći jer je tako Zakon propisao, ali da udruženja koja su navedena da budu članovi zdravstvenog savjeta da daju

preporuku za određenog predstavnika, a građani se mogu prijaviti, ne možete zabraniti nikome da se prijavi na javni poziv, ali će udruženje dati preporuku za osobu za koju bi oni htjeli da predstavlja to udruženje u zdravstvenom savjetu. Dakle, da ste bili prisutni na javnoj raspravi znali biste da je taj zaključak na neki način već i usuglašen.

Vijećnik Hajrudin Fermić, procedura i striktno je propisano da se putem javnog poziva u Zakonu je decidno rečeno. Kako će Načelnik da raspiše taj javni poziv, kako će on da odabere i lobira ove ljude, to je njegov posao. Prema tome, ne možemo mi nešto mimo zakona da uradimo.

Vijećnik Safet Jašić, samo da pojasnim šta je htjela gospođa Edina reći. Ovdje su navedeni predstavnici koji bi trebali da dostave imena kandidata. Ništa drugo ovako kako stoje predstavnici boraca, pacijenata itd. da budu imena. Svi predstavnici da dostave svoja imena i da nam dođe u tome materijalu.

Predsjedavajuća OV, zaključujem raspravu i dajem na glasanje

ZAKLJUČAK

14.1. Usvaja se Odluka o osnivanju Zdravstvenog savjeta na području općine Maglaj.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ).

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

AD – 15 Odluka o davanju saglasnosti za imenovanje direktora JU «Dječiji vrtić» Maglaj;

Otvaram raspravu

Vijećnik Safet Jašić, Klub vijećnika SDA je protiv Odluke o davanju saglasnosti za imenovanje direktora JU «Dječiji vrtić» Maglaj. Obzirom da je procedura provedena nezakonito i na osnovu Odluke Općinskog vijeća o imenovanju u reguliranim tijelima koja je nezakonita. Navest ćemo samo činjenicu da je prijedlog direktorice koja treba biti imenovana na Vijeću je i aktuelni član Upravnog odbora ove Ustanove, koja je vjerovatno glasala i sama za sebe, pa će tek naknadno dati ostavku, vjerovatno nakon izbora. Mislim da nije po zakonu kako je u ovom slučaju da se ostvari mogućnost članu UO da sam za sebe glasa za direktor. Mislim da to nije u redu i mislim da nije po zakonu. U ovom slučaju znamo, znamo da se dogodio još jedan slučaj prećutali smo, ali ovaj puta znamo 100% da je gospođa Osmić član UO «Dječiji vrtić» koja je imenovana, odnosno treba da bude imenovana. Ovo je dilema Kluba SDA.

Vijećnica Svjetlana Zamboni, ovdje nam je i predsjednica Upravnog odbora JU «Dječiji vrtić», pa ukoliko bude trebalo još nešto nakon moga izlaganja pojasniti ja vas molim da uzmete učešća.

Zbog toga što je rečeno da nije zakonita procedura provedena, ja ću pročitati ovaj osvrt, javnosti radi, kako je provedena procedura u JU «Dječiji vrtić».

Upravni odbor JU «Dječiji vrtić» Maglaj je dana 01.12.2017. godine donio Odluku o raspisivanju Konkursa za izbor i imenovanje direktora JU «Dječiji vrtić» Maglaj. Konkurs je objavljen u listu „Dnevni avaz“ Sarajevo 05.12.2017. godine.

Po isteku ostavljenog roka za podnošenje prijave Upravni odbor je na 8. sjednici održanoj dana 21.12.2017. godine konstatovao, da su se prijavila tri kandidata i to:

Nalić Merisa, diplomirani pedagog-psiholog, Tanković Inela, diplomirani pedagog i Osmić Amra, bakalaureta/bachelor predškolskog odgoja.

Na istoj sjednici Upravni odbor je razmatrao prijave kao i dokumentaciju koju su kandidati priložili uz prijave, i utvrdio slijedeće:

- sve prijave su podnijete u ostavljenom roku,
- svi kandidati su priložili validnu dokumentaciju traženu konkursom,
- dva kandidata ispunjavaju opšte i posebne uslove tražene konkursom.

Kandidatkinja Merisa Nalić je kandidat koji se ne kvalifikuje jer ne ispunjava uslove tražene konkursom pod stavkom II/h koji se odnosi na Dokaz o radnom stažu u trajanju od pet (5) godina na poslovima odgoja i obrazovanja. Shodno navedenom prijave kandidata se ne kvalifikuje i ostavlja po strani do konačnog imenovanja, odnosno do dobivanja saglasnosti osnivača.

Nakon pregleda dostavljene dokumentacije Upravni odbor se usaglasio o osnovu, pitanjima i načinu vođenja intervju sa prijavljenim kandidatima, odnosno kandidatima koji ispunjavaju uslove konkursa. Osnov za obavljanje intervju su bili ponuđeni Programi rada i razvoja ustanove koji su ponudili kandidati za mandatni period, kao i pitanja koja utiču na rad, organizaciju rada, poslovanje odnosno obavljanje osnovne djelatnosti ustanove. Intervju sa dva kandidata obavljen je dana 26.12.2017. godine sa početkom u 10,00 sati.

Nakon razmatranja podnijetih prijava i priložene dokumentacije te obavljenog intervjua sa kandidatima, a u cilju utvrđivanja prijedloga kandidata, Upravni odbor je održao radni sastanak odmah poslije intervjua 26.12.2017. radi sumiranja ocjena i mišljenja svakog člana Upravnog odbora pojedinačno.

Dana 26.12.2017. godine, Upravni odbor je, imajući u vidu sve naprijed navedeno usaglasio stav da oba kandidata ispunjavaju uslove uz prednost kandidatkinje Amre Osmić, jer je imenovana navela konkretne i bolje osmišljene planove u svojoj Programskoj koncepciji rada i razvoja JU u četverogodišnjem periodu, pokazuje veću komunikativnu sposobnost, kvalitetnije planiranje i organizovanost i ima višegodišnje iskustvo u radu predškolske ustanove kao odgajateljica.

Na osnovu toga Upravni odbor je izvršio rangiranje kandidata i sačinio rang listu kako slijedi:

- 1.Osmić Amra
- 2.Tanković Inela

Da bi Upravni odbor mogao donijeti konačnu Odluku o imenovanju Direktora Javne ustanove „Dječiji vrtić“ Maglaj, molimo Vas da u skladu sa članom 41. Zakona o predškolskom odgoju i obrazovanju date vašu saglasnost da se Osmić Amra, bakalureta/bachelor predškolskog odgoja imenuje za direktora Javne ustanove „Dječiji vrtić“ Maglaj, u narednom četverogodišnjem mandatu.

Ukoliko je potrebno dati neke dodatne informacije ili obrazloženje tu je predsjednica UO pa neka ona pojasni.

Pauza 5 minuta

Tatjana Bajraktarević, da razriješimo tu dilemu i za vas vijećnike i za javnost. Sporan je bio taj treći član koji je član UO, a ujedno i kandidat za direktora JU «Dječiji vrtić» Maglaj. Nakon što je konkurs bio zatvoren, formirana je Komisija. U toj Komisiji su bili članovi Upravnog odbora, a iz te komisije izuzet je treći član Komisije, odnosno član UO kandidatkinja Amra Osmić. Ta komisija pristupila je, a u toj komisiji bila su dva člana Elifa Mustabašić i Tatjana Bajraktarević, koja je pristupila otvaranju pristiglih koverata i konstatovala broj prijave. U samoj toj proceduri otvaranja prijava bila je izuzeta Amra Osmić, kao treći član Upravnog odbora i kao kandidatkinja za direktora. U toku intervjua koji je sproveden nakon bodovanja i nakon rangiranja pristiglih dokumenata, ista kandidatkinja je po proceduri prva ušla na intervju, kako ne bi bilo sporno vezano za pitanja, odnosno vezano za odgovore. Ista ta kandidatkinja kako i piše u ovom predmetu vezano za davanje saglasnosti piše da je kandidat član UO i da je ista upoznata sa Zakonom o sukobu interesa u institucijama vlasti BiH, i po članu 4. ovog Zakona imenovana će podnijeti ostavku u roku od tri dana nakon preuzimanja javne funkcije. Ja mislim da sam bila dovoljno jasna, ukoliko imate još nekih pitanja tu sam.

Vijećnik Safet Jašić, Malo je jasnije, nije onda u obrazloženju trebalo navesti: «Nakon razmatranja podnijetih prijava i priložene dokumentacije, te obavljenog intervjua sa kandidatima a u cilju utvrđivanja prijedloga kandidata Upravni odbor je održao radni sastanak odmah poslije intervjua 26.12.2017. radi sumiranja ocjena i mišljenja svakog člana Upravnog odbora pojedinačno“. Što znači da su svi članovi UO učestvovali u ovom radu.

Predsjedavajuća OV, pojasnila je gospođa Bajraktarević, bitno je da se poštuje Zakon i zakonska procedura. Gospođa Bajraktarević je pojasnila kako je tekla ta izborna procedura, zaključujem raspravu i dajem na glasanje

Z A K L J U Č A K

15.1. Usvaja se Odluka o davanju saglasnosti za imenovanje direktora JU «Dječiji vrtić» Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici.

Glasalo 12 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

AD – 16 Nacrt Odluke o određivanju prostora i objekata za javno okupljanje građana na području općine Maglaj;

AD – 17 Nacrt Odluke o komunalnom redu i sanitarnom minimumu;

AD – 18 Nacrt Odluke o javnom redu i miru;

AD –19 Nacrt Odluke o prosječnoj konačnoj građevinskoj cijeni 1m2 korisne stambene površine na području općine Maglaj;

Predsjedavajuća OV, predložila bih da sva četiri nacrti da iz razmatramo jedinstveno, obzirom da se radi o nacrtima, da kažemo da će ovi nacrti ići u javnu raspravu i da odredimo rok za održavanje javne rasprave. Gospodin Hajrulahović je rekao da se u roku od dva mjeseca mogu provesti javne rasprave. Obzirom da se radi o nacrtima oni će sigurno pretrpiti određene izmjene nakon javne rasprave, pa će doći u vidu prijedloga ponovo na Općinsko vijeće.

ZAKLJUČAK

16.1. Usvajaju se nacrti odluka:

- Nacrt Odluke o određivanju prostora i objekata za javno okupljanje građana na području općine Maglaj;
- Nacrt Odluke o komunalnom redu i sanitarnom minimumu;
- Nacrt Odluke o javnom redu i miru;
- Nacrt Odluke o prosječnoj konačnoj građevinskoj cijeni 1m² korisne stambene površine na području općine Maglaj;

16.2. Otvara se javna rasprava u trajanju od 60 dana za sve četiri odluke.

16.3. Za provođenje javne rasprave zadužuje se Služba za urbanizam, geodetske i imovinsko pravne poslove.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ).

Glasalo 11 glasova uzdržano: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

AD – 20 Nacrt Odluke o izmjenama i dopunama Poslovnika o radu Općinskog vijeća Maglaj;

Predsjedavajuća OV, radi se o nacrtu, da li ima potrebe da predlagač iznese uvodno izlaganje. Ja bih samo sugerisala obzirom da se radi o Poslovniku o radu Općinskog vijeća da se javna rasprava, a sugestije na ovaj nacrt daju od strane političkih partija koje egzistiraju na području općine Maglaj i da taj period za dostavljanje prijedloga, odnosno sugestija vezano za ovaj nacrt bude 30 dana. Naravno da s zaduži Komisija za statutarna pitanja koje je i predlagač ovih izmjena za provođenje javne rasprave.

Vijećnik Safet Jašić, obzirom da već postoje Komisije Općinskog vijeća i to nema jedno od toga ne treba. Jasno je da su ovo političke izmjene Poslovnika o radu kojim aktualna vlast treba kupiti i ispoštovati što više obećanih želja. Obzirom da je mali broj komisija da bi se zadovoljili svi apetiti bez obzira što je SDA potpuno eliminisana iz rada ovih Komisija, a promjena naziva Komisija OV je samo iz razloga da bi se alternativno povećao broj članova komisija, opet u istom cilju ispunjavanja nećijih obećanja. Iz tog razloga Klub SDA neće podržati ovakav nacrt. .

Vijećnik Hajrudin Ferić, moram odgovoriti. Prije svega ako ste dobro brojali i računali trebali ste onda i reći koliko je to novih komisija i da li uopšte ima novih komisija ili su samo podijeljene, odnosno dodane nadležnosti pojedinoj komisiji. Na sramotu oni koji su radili Poslovnik ranijih perioda da Općinsko vijeće nema svog stalnog radnog tijela da raspravlja između ostalog o Budžetu. Da raspravlja o mjesnim zajednicama, o komunalnom redu, da predlaže sugeriše, inicira itd. Ono što je na sramotu ranijih saziva, ranijih vlasti i saziva jeste i to da nigdje i nikad od 2008.godine kad se donijela državna Strategija za borbu protiv korupcije u institucionalno, nije se spominjalo bilo šta u Maglaju. Sad jednostavno nakon 6,7 ili 8 godina poštujući ono što su instrukcije od državnih strategija od akcionih planova Federacije i Kantona, a tiču se lokalne samouprave je nešto što je najbenignije ovdje, a to je da se ova Etička komisija da joj se pridodaju i neke aktivnosti odnosno neke prinadležnosti za prevenciju korupcije. Da mi možemo svijetla obraza i prema međunarodnim organizacijama, a isto tako i prema građanima da kažemo dobro imamo nešto institucionalno, makar za prevenciju korupcije, makar na papiru, a da ne govorimo da suštinski i kvalitetno se može raditi. Nije tačno to da ima nekih novih komisija, osim novih naziva komisija. Još jedna stvar, kad govorimo o komisijama, dajte malo prije smo potencirali Zakon o principima lokalne samouprave, tačno stoji šta su izvorne nadležnosti lokalne samouprave, a kad pogledate postojeće komisije vidite da imamo pola njih koje se bave svim i svačim osim onim oblastima gdje je Općina i Općinsko vijeće i lokalna samouprava treba da se bavi. Toliko govorimo o mjesnim zajednicama i njihovim problemima i kroz javne rasprave i kroz svaku sjednicu OV, a mi nemamo 3 čovjeka, pet ili sedam ljudi koji bi razgovarali i predlagali, sugerisali nekakva rješenja u cilju poboljšanja rada između Mjesne zajednice, Općine i drugih nivoa vlasti itd. Ne stoje takve primjedbe. Osim toga ovo je tekst koji ide na javnu raspravu i ja znam da ima pojedinih vijećnika koji kažu da ima potrebe, osim tih komisija itekako da se regulišu pitanja i to je neki dan pomenula gospođa Čakrama na nekoj od javnih rasprava. Mi nemamo ni Pravilnika, nema ga ni u Poslovniku o tome, na koji način se rade normativni akti koji dolaze na Općinsko vijeće. 2008. 2012. godine su propisani svi ti obrasci izrade normativnih akta koji nama dolaze tu. I Poslovnik u tom dijelu treba da kaže kad nam dolaze po redovnoj proceduri određene odluke, kad po skraćenoj proceduri, pa kad po hitnoj proceduri. Mi to svi znamo a nigdje ne piše. Ove inicijative, pogledajte samo kako treba precizirati šta je sa inicijativom koja se pokrene i negdje završi ili nam dođe za neko vrijeme i nikad da je stavimo a/a, ni pozitivno ne negativno. I na ovaj način kroz ove izmjene Poslovnika imamo preciziranje. Pravio sam lično analizu prošle sjednice Vijeća kad je bio Budžet u pitanju, kad smo raspravljali o Budžetu po 6 puta ljudi su se iz ovog bloka 5 ili 6 puta javljali za riječ, niti je bila replika, niti je bila ispravka krivog navoda i tu nam treba, bez obzira o kome se radi. I tu nam treba neka disciplina i neki red da preciziramo,

odredimo i da damo ovlaštenje Predsjedavajućem kada da lupi i kaže opomena, javna opomena pa čak i isključenje sa sjednice, ne samo kad su u pitanju vijećnici nego i drugi gosti.

Ima i te kako potrebe da se mijenja taj Poslovnik.

Vijećnik Safet Jašić, replika, ovdje se radi pored ovih komisija za koje mi imamo svoje mišljenje i stav uvođenje nekih savjeta itd. dokle nema kraja fantazijama, ima komisija nek radi svoj posao, plaćene su, formirane su tako kako su formirane i samo nešto ne može komisija, raditi treba savjet. Očito je da je nekim ljudima malo ovdje da budu općinski vijećnici, trebaju da budu savjetnici i sve što im naum padne. Nećemo podržati.

Vijećnik Hajrudin Ferić, replika koja je bila 6 ili 7. točka je bila o Zdravstvenom savjetu općine Maglaj. Taj savjet se zove ne zato što mi hoćemo, nego zato što je tako propisala dva zakona. Ta dva zakona su rekla da se to reguliše osnovnim aktom lokalne samouprave. Da ne bismo prejudicirali da nekad za godinu dana neki novi zakon kaže treba dole na lokalnom nivou da bude i taj savjet za nešto, predviđena je mogućnost u Poslovniku. Mi imao i ovaj Savjet za bezbjednost saobraćaja i to je savjet, Savjet za privredu itd. Ima potrebe i sve to opet dolazi na odluke Općinskog vijeću koji odlučuje o tome hoće se formirati ili neće. Nije to ničija dobra volja, niti hir, niti uhljebljenje nekih. Doće nam i to pa ćete vidjeti koliko je ko dobio i tih 30,00 KM. Pustite tu priču, dajte da nešto ozbiljno popravimo i poboljšamo u našem radu.

Predsjedavajuća OV, zaključujem raspravu i dajem na glasanje

Z A K L J U Č A K

20.1. Usvaja se Nacrt Odluke o izmjenama i dopunama Poslovnika o radu Općinskog vijeća Maglaj.

20.2. Pozivaju se političke partije da u roku od 30 dana dostave pisane prijedloge i primjedbe na Nacrt Poslovnika o radu Općinskog vijeća Maglaj.

20.3. Otvara se javna rasprava u trajanju od 30 dana.

20.4. Za provođenje javne rasprave zadužuje se Komisija za statutarna pitanja, poslovnik i propise.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ).

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

AD – 21 a) Izvještaj o radu Općinskog pravobranilaštva Maglaj za 2017. godinu;

b) Program rada Općinskog pravobranilaštva Maglaj za 2018. godinu;

Predsjedavajuća OV, predlažem da odmah i Izvještaj za 2017. i Program rada Općinskog pravobranilaštva za 2018. godinu uzmete u obzir u svojim diskusijama.

Nermina Botonjić, u materijalu Općinsko pravobranilaštvo je dostavilo Izvještaj za 2017. godinu i programsku orijentaciju za rad u 2018. godini. Dostavljeni akti su dostavljeni u smislu zakonom propisane obaveze Općinskom načelniku i Općinskom vijeću. Dostavljeni akti također sadrže zakonom propisane aktivnosti ovog organa kako u prethodnom tako i u budućem godišnjem periodu. Osvrtom na Izvještaj ovog organa možemo reći da isti obuhvata obavljene poslove iz nadležnosti Općinskog pravobranilaštva sa obaveznim postupanjem kao zakonskog zastupnika u parnicama, upravnom, izvršnom postupku, odnosno učešćem u upravnim sporovima ili pokretanjem vanrednih pravnih lijekova, davanja mišljenja i stavova. Ovaj organ u svom izvještaju je naveo dovoljno, a mi smo zadržali pojedinačne podatke o svakom od stranaka u postupku, tuženim, ili pak izvršenicima i ostavili smo mogućnost da ovaj organ iskoristi sva pravna sredstva i privede kraju postupke koji se vode kod nadležnih organa. Također smatramo obaveznim dodati da je ovaj organ u prethodnom periodu bio angažovan u dobrom dijelu kod namirenja obaveza kod ranijih godina, pa je od okončanih 98 predmeta izvršnih iz ranijih godina više od pola ipak naplaćeno, a Općinsko pravobranilaštvo će nastaviti dalji rad na okončanju ovih izvršnih postupaka svakako sa intencijom naplate gdje je to moguće, a u suprotnom po zauzetom stavu Općinskog načelnika i Službe na sačinjeni nacrt Odluke o postupanju sa neplaćenim potraživanjem u izvršnom postupku to ćemo naknadno dogovoriti i ponuditi Vijeću. Također ovaj organ ima dodatnih poslova koji kroz dodatno učešće Općinskog pravobranilaštva u radu komisije, formirana je od strane općinskog načelnika sa zadatkom utvrđivanja stvarnog stanja o korištenju nekretnina u posjedu i vlasništvu Općine Maglaj. Komisija je sačinila evidenciju sa jasnim pokazateljima sa terena i u ovom postupku slijedi sveobuhvatno rješavanje nakon što se zauzme stav i usaglase se stavovi Općinskog načelnika, Službi, nadležne inspekcije i svakako Pravobranilaštva, odnosno Pravobranilaštva kao člana komisije i organa koji radi u interesu Općine Maglaj. U prethodnom periodu također je Općinsko pravobranilaštvo od strane Općinskog načelnika angažovano u nizu poslova kod zaključenja ugovora, postupanja prema subjektima van ovog organa, a velik dio vremena je provedeno u čestim pokušajima sa firmom BBM Sarajevo da kroz zajedničke

sastanke izdejtstvuju potrebne elemente za ostvarivanje koncesije, a to je posao koji će sa naše perspektive još trajati ili će barem trajati onoliko koliko na zakonit način ne budu zadovoljeni interesi Općine Maglaj.

Program je svakako samo orijentaciono obuhvatio poslove koje Općinsko pravobranilaštvo po zakonu obavlja svake godine, ali da rad ovog organa prati i rad drugih organa Uprave, nadležnih sudova, najbolje rečeno Općinsko pravobranilaštvo svoj program planira sa radom u interesu ove zajednice.

Vijećnik Hajrudin Ferić, prema članu 361. Zakona o stvarnim pravima u stavu 2. kaže «nadležno Pravobranilaštvo dužno je u roku od tri godine od dana stupanja na snagu ovog Zakona pokrenuti postupak za upis stvarnih prava na nekretninama čiji je nosilac jedinica lokalne samouprave». Da vas pitam, jeste li vi to pokrenuli, dokle se došlo? Ukoliko to sad ne možete da odgovorite možda bi dobro bilo da nam napravite jednu informaciju za Općinsko vijeće za jednu od narednih sjednica.

Nermina Botonjić, kako god hoćete, mogu odgovoriti. Ja sam već spomenula rad ove Komisije koju je formirao Načelnik i svakako smo evidentirali nekretnine koje se nalaze na ovaj ili onaj način u posjedu naših sugrađana ili nekih drugih pravnih i fizičkih lica. To je postupak koji svakako daje do znanja i onom ko drži u posjedu nekretninu da se mi ponašamo kao vlasnici zemljišta i da ćemo svakako poduzeti aktivnosti na preuzimanju svoga zemljišta, odnosno na preuzimanje zakonom dozvoljenih aktivnosti za rješavanje tog statusa zemljišta. Također Općinsko pravobranilaštvo je podnijelo zakup kod ZK ureda za uknjižbu prava vlasništva u korist Općine Maglaj na nekretninama koje su evidentirane kao nekretnine u vlasništvu SIZ-a, političke općine, odnosno na neki drugi način gdje je Općina Maglaj sljednik. Ujedno imamo podnesen zahtjev kod nadležne Službe za rješavanje uzurpacije u zakonom dozvoljenom roku smo ga podnijeli, to sam svjesno uradila iz razloga što nekretninu za koju budemo imali saznanja, to mogu biti i naša saznanja i svakog građanina da mi možemo u postupku po starom zakonu riješiti kao uzurpaciju. Uglavnom trudimo se da nekretnine ne odu iz posjeda odnosno vlasništva Općine Maglaj, a da budu evidentirane kao vlasništvo. Mi već radimo u suglasnosti sa načelnikom i napraviti ćemo jednu zajedničku informaciju o trenutnom stanju zemljišta, onoliko koliko mi imamo informacije i smatramo je dobrim dijelom tačnom.

Vijećnik Nedžad Lokmić, u vezi ove tačke dnevnog reda na početku želimo istaći jednu sitnu primjedbu da se od Izvještaja koji ima cca 5 stranica čitave dvije stranice odnose na uvodne, odnosno zakonske napomene ili na odredbe, odnosno na funkcije i spektar djelovanja Pravobranilaštva na ostvarivanje osnovne funkcije i na tok kroz šta se ogleda rad istog. To je zakonska obaveza, ali moramo istaći kako se dosta energije utroši na sve to čitanje što se već i zna ili prije pročitalo. Glede konkretnih iznesenih informacija želimo istaći da odmah u početku u oči pada i to da je u 2017. godini od parničnih postupaka riješeno samo 4 predmeta, a da je ostalo 25 neriješenih predmeta. Svjesni smo činjenice da se postupci koji se vode pred nadležnim sudom uglavnom odnose na utvrđivanje vlasništva, naknade štete ili pak na reviziju presuda. Također smo svjesni toga da se u ovom izvještajnom periodu i raniji zahtjevi, čije su štete jako visoke i da se neka dugovanja uvećavaju zbog kamate i troškova II-stepenog postupka. Navedeni iznos koji Općini Maglaj shodno I-stepenoj presudi je dodijeljen na plaćanje od firme TV Inženjering cca 207.000 plus parnički troškovi skoro 7.700,00 KM, a sjećamo se svi tog perioda kako se navodno radilo dobrovoljno, humanitarno itd. Zanima nas da li s tim u vezi ima nešto novo, da li je uložena žalba na tu presudu, čemu se možemo nadati, dokle se došlo sa tim? U drugoj tabeli gdje su prezentirani upravni sporovi u oči pada veliki broj neriješenih sporova, njih 77. Nadamo se da će u ovoj godini veći broj njih barem biti djelimično riješen ili ići u pozitivnom smjeru. Za pohvaliti je treća tabela sa prezentiranim podacima o izvršnim postupcima gdje se vidi kako je u 2017. godini riješeno čak 115 predmeta. Također se nadamo da će od svih silnih navedenih okončanih postupaka gdje se eventualno mogu naplatiti dugovanja, biti realizirani kako bi se prihodovna strana Budžeta barem djelimično popravila.

Na kraju treba pohvaliti rezultate iz zadnje tabele gdje su prikazani podaci o ostalim postupcima gdje je riješeno čak 438 predmeta, ostalo nekih 20-tak neriješeno. U ime koalicionog bloka iznosim stav da ćemo prihvatiti ovaj Izvještaj, odnosno Program djelovanja za narednu godinu.

Vijećnik Edib Delić, Klub SDA je razmatrao ponuđeni Izvještaj o radu Općinskog pravobranilaštva, kao i program rada za 2018. godinu.

Malo prije kolega je iznio kad su u pitanju parnični postupci i tamo mora se ovo vidjeti, pitam šta je sa tužbama koje su podignute protiv Općine Maglaj a radi se o Inženjeringu, velika cifra, ovdje nije spomenuto također Mačković Šefik, Ridžal Fahir iz Donjih Bradića tuže za naknadu štete zbog klizišta u iznosu od 47.630,00 KM. Šta je s tom tužbom? Također i ova tužba od Berber Majde iz Zenice i Berber firme iz Maglaja i ona je vrijedna 55.000 nešto malo više KM. Tražimo pojašnjenje po tim stavovima. Ne bi se ponavljao kad je u pitanju ove ostale dvije tabele, ali ću se osvrnuti na Program rada koji je ovdje prezentovan i ja mislim da je on ovakav godinama, mislim da se promijeni samo broj i datum na njemu, ništa više. Trebalo bi malo poraditi na ovom programu. Znam da imate zakonom regulisane stvari koje morate staviti, ali mislim da je ovo neozbiljno. Trebalo bi naći modus kako uraditi ovo i kako planirati stvari koje ćete raditi u ovoj narednoj godini. Poslije obrazloženja po ovim stvarima koje sam iznio klub će se izjasniti o glasanju.

Nermina Botonjić, što se tiče postupaka koji se vode i vođeni su pred nadležnim sudovima, organom uprave, to su postupci na koje Općinsko pravobranilaštvo ne može uticati. Znači sud zakazuje ročište, sud donosi odluku i sud raspolaže vremenom stupanja u samom predmetu. Znači, to što je u prethodnoj godini okončano, ne znači

da je to samo jednom Pravobranilac otišao i okončao je postupak. Tu ima i više ročišta, tu ima pripremno, glavno ročište kod parnice, onda kod izvršnih postupaka također imamo postupak, i sve ovisi o terminu kad sud zakaže i kad ima vremena.

Što se tiče ovih tužbi koje ste naveli mogu reći da TB Inženjering u postupku revizije, žalba je ulagana, međutim kako je II-stepeni organ imao identičan stav i nije se osvrtao na činjenicu da je u postpoplavnom postupku odnosno obavljani poslovi, da poslovi nisu imali elemente naloga ipak smatrao da su to poslovi bez nalog i smatra ga takvim. Znači revizija u postupku.

Što se tiče Mačkovića i Berber, to su tužbe i ročišta su zakazana za februar mjesec, to su tek pripremna ročišta i također se odnose i imaju vezu sa poplavom sa klizištem, čak je gospođa Berber i primila naknadu. Koliko i kako će to sud cijeni ja zaista ne znam. Sud uvijek ima svoj stav i ne možemo preispitivati presude suda.

Izveštaj zaista ne smatram da je neozbiljan iz razloga što po zakonu je u obavezi podnijeti, ne izvještaj Program, podnijeti Program, izvještaj o radu. Program nije propisan zakonom ali je u praksi i organ ga podnosi. U samom programu ne možemo napisati ništa novo , no što je zakonom propisano da pravobranilaštvo treba i mora raditi. Ja sam samo mogla dodati još jednu rečenicu, obavljat će i sve druge poslove po nalogu Općinskog vijeća, načelnika u cilju da se zaštite interesi ove zajednice, s obzirom da je Općinsko pravobranilaštvo zakoniti zastupnik Općine Maglaj.

Predsjedavajuća OV, zaključujem raspravu i dajem na glasanje

ZAKLJUČAK

21.1. a) Usvaja se Izveštaj o radu Općinskog pravobranilaštva Maglaj za 2017. godinu.

21.2. b) Usvaja se Program rada Općinskog pravobranilaštva Maglaj za 2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

AD – 22 a) Izveštaj o radu OIK-a Maglaj za 2017. godinu;

b) Program rada OIK-a Maglaj za 2018. godinu;

Elmir Mustabašić, što se tiče Izveštaja za 2017. godinu, poznato je da 2017. godina nije bila izborna, pa je tako izvještaj i koncipiran. Što se tiče vezano za istek mandata, ja bih naglasio da jednom članu OIK-a Dragici istiće mandat u martu, da bi trebalo pravovremeno pokrenuti proceduru. Što se tiče predsjednika istiće u septembru, odnosno oktobru, danom dobijanja saglasnosti . Ukoliko bude isti htio ostati mandat mu se produžava shodno odredbama Izbornog zakona do potvrđivanja izbora, vjerovatno prve sedmice mjeseca novembra. Ostala zapažanja iznio sam ovdje. Možda bitna stvar pošto ide izborni period da bi trebalo imenovati sekretara za vršenje poslova administrativno-tehničkih. Ja sam tu da odgovorim na pitanja ukoliko ih bude.

Otvaram raspravu

Vijećnik Safet Jašić, Klub vijećnika SDA prihvata Izveštaj o radu o radu OIK-a za 2017. godinu , kao i Program rada za 2018. godinu.

Vijećnik Nedžad Lokmić, U ime koalicionog bloka samo kratak osvrt. Izčitali smo detaljno ovaj Izveštaj, primijetili smo i zna se da je 2017. godina bila neizborna godina. Tamo ste lijepo rekli održali ste nekoliko formalnih ili neformalnih sjednica, a mogli ste barem staviti broj. Naredna godina je već započela, znamo kad aktivnosti počinju, zvaničnim ozvaničavanjem izbora, pojačat će se vjerovatno i vaše aktivnosti. Za pohvaliti je da je ovo Vijeće povećalo vaš iznos u Budžetu za skoro 3.000,00 KM. Imao sam dilemu vezano za istek ovih mandata, ali tamo i stoji u članu 2.15. stav 4. Izbornog zakona da vi imate pravo odnosno produžetak mandata do zvaničnih ovjeravanja rezultata izbora u novembru. Želim vam da i ove izbore sprovedete uspješno da suradnja sa političkim subjektima bude uspješnija i bolja i prihvatamo Izveštaj i Plan rada za ovu godinu.

Općinski načelnik, u okviru Izborne komisije BiH, slijedeće sedmice ide do izmjene uputstva, tako da nakon toga ćemo imati čistu situaciju oko raspisivanja konkursa za popunjavanje jer jednom članu OIK-a istiće mandat u martu mjesecu. Čuli ste od predsjedavajućeg kakvo je stanje po pitanju tehničkog sekreta. Tehničkog sekretara ćemo predložiti da se imenuje na jednoj od narednih sjednica i da bude u izbornom periodu aktivan.

Predsjedavajuća OV, zaključujem raspravu i dajem na glasanje

ZAKLJUČAK

22.1. a) Usvaja se Izveštaj o radu Općinske izborne komisije Maglaj za 2017. godinu.

22.2. b) Usvaja se Program rada Općinske izborne komisije Maglaj za 2018. godinu.

Glasalo 22 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Hajrudin Ferić (DF), Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bejić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Glasalo 3 uzdržana glasa: Bešić Mustafa, Delić Fikret, samostalni vijećnici i Vehabović Elvir (S BiH).

Predsjedavajuća OV, sa ovim zaključujem tačke dnevnog reda, imamo brifing Općinskog načelnika, a potom vijećnička pitanja i inicijative, te molim dopredsjedavajućeg da preuzme vođenje sjednice.

Brifing Općinskog načelnika:

Kad je u pitanju brifing Općinskog načelnika s obzirom da e radi o prvoj sjednici Općinskog vijeća u toku ove godine, a da je posljednja bila pred sami kraj prošle godine, mogu reći da je u ovom proteklom periodu najviše aktivnosti unutar same općinske administracije vođeno na završetku aktivnosti iz 2017. godine, pripreme planova i programa za 2018. godinu, određena savjetovanja, pa i ovaj materijal koji je danas bio pred vama u kojem ste imali 22 tačke.

Konkretnih aktivnosti na terenu kad je u pitanju infrastruktura u ovom trenutku nema, završena je godina, nakon današnjeg donošenja programa i planova idemo u raspisivanje tendera i izbora najpovoljnijih ponuđača, pa ćemo onda u skladu sa planovima i programima u dalje aktivnosti.

Ono što se konkretno radi ovih dana jeste modernizacija javne rasvjete na gradskom području i imali smo priliku danas vidjeti da upravo Vitešku ulicu između Doma kulture i Općine rade danas u toku dana. Sve aktivnosti bi se trebale završiti do kraja naredne sedmice. Vrlo brzo ćemo vidjeti i finansijske efekte kad je u pitanju javna rasvjeta.

Ono što ima problema određenih i što vodimo aktivnosti a dobro bi bilo da znate jeste i pitanje firme «Transey», koja je zbog zloupotrebe procedura od strane pojedinaca u Ministarstvu ne poštujući stav lokalne zajednice i ne poštujući stav javne rasprave, ne poštujući stav Općinskog vijeća koje je jednoglasno donijelo odluku, dakle ne poštujući stav lokalne zajednice Ministarstvo na čelu sa Brkićem je izdalo i građevinsku dozvolu. Dakle, proširili su djelatnost po regulacionom planu i po urbanističkim planovima, tu je predviđena djelatnost kakva je i bila, može biti tvornica za proizvodnju namještaja, ne pilana, ne peletara. Ono što vidimo na terenu je da su počele aktivnosti na izgradnji i javno da kažem vrlo brzo ćemo pokrenuti tužbu i protiv onog ko je vodio proces u Ministarstvu, a po našim nekim informacijama znamo koja je osoba bila i šta je urađeno i s druge strane ne libim se da pokrenemo isto to i protiv ministra, jer smo ga upozorili prije izdavanja same građevinske dozvole i naravno obratili smo se i Premijeru ZDK gospodinu Galijaševiću i samom rukovodstvu Skupštine ZDK sa zahtjevom da se preispita izdavanje tih rješenja i uradit ćemo sve sa svoje strane što možemo da idemo u preispitivanje i da ne dozvolimo da nam se tako nešto dešava u centru grada.

Da li je neko vlasniku firme nešto prije obećao, to me apsolutno ne zanima.

Pomenuli ste ovdje u prethodnoj tački bitna stvar TB «Inženjering», nažalost presuda izgubljena 200 i nešto hiljada bez kamata, ali pokrenuli smo ono što možemo u ovom trenutku kako bi pokušali da eliminišemo takvu jednu presudu i da Općina Maglaj bude oslobođena takvog jednog dugovanja nastalog na takav način, jer su i ostale firme koje su radile, radile što volonterski, što sredstvima sa viših nivoa vlasti. Ovo je jedinstven slučaj vidjet ćemo kako će završiti, ali ono što moram reći da nije dobro ovo do sad jer u dva koraka smo izgubili.

Isto tako interesantna tema danas je pokrenuta elektroenergetska mreža na novošeherskom području i posljednja današnja informacija da dvije elektroprivrede još uvijek ništa nisu dogovorile. Čak je bila jedna od opcija u razgovorima da «Elektroprivreda» BiH proda svoju mrežu «Elektroprivredi» HZHB na novošeherskom području, dakle nisu ništa dogovorili, nisu ni to dogovorili. Kažem da je bila jedna od opcija i ono što na kraju se mora desiti prema informacija uključuje se i Ministarstvo da rješava taj problem. Nelogično je, to je elektroenergetika, to su dvije firme vlasnici Vlade FBiH, njima upravlja jedno Ministarstvo, a imamo ovakav nered na novošeherskom području i u bradičkom dijelu, ali manje, na novošeherskom području apsolutni nered i evo ko je upoznat sa problemom BH «Telecom» već mjesecima ne mogu da dobiju priključak u Domisluci za njihov telekomunikacioni ormar za napajanje njihove opreme. Ono što ću ja učiniti narednih dana jeste obratiti se i FERK-u kao regulatornoj agenciji i zahtijevati da se ovo pod hitno riješi i ako sam u međuvremenu pisao i jednom i drugom generalnom direktoru sa zahtjevom da se što prije riješi i ponovo ću im pisat i da će preuzeti svu odgovornost za bilo kakvo dešavanje na novošeherskom području. Sramota je ljudi imaju nekvalitetan napon, trafostanica završena ne pušta se pod napon. Izgradnju trafostanice u Domisluci i u Kopicama u ovom trenutku se ne zna ni ko bi je mogao raditi, tako da i ovo što stoji «Elektroprivreda» BiH i ne podnosi zahtjev za građevinsku dozvolu, još uvijek nije podnijela, to je vjerovatno zbog toga što nije riješena situacija između te dvije elektroprivrede. Također napajanje električna mreža na području Donjeg Rakovca, po informacijama današnjim iz «Elektroprivrede» BiH u planu nemaju investicija za 2018. godinu. To nije dobra informacija i tu ćemo se boriti da riješimo taj problem na ovaj ili na onaj način.

Da vam dam nekoliko informacija pratite i medije i društvene mreže, da vam kažem da sam u kontaktu i danas bio sa ocem malog Arslana, on je danas u pola deset transportovan iz Sarajeva medicinskim avionom za Istanbul na liječenje. Nažalost iz Bolnice «Jezero» nisu htjeli dati čak ni sanitetsko vozilo da malog prevuku iz bolnice do aerodroma. Direktor Doma zdravlja i ja smo se sinoć čuli i on je uputio jutros vozilo sanitetsko iz Doma zdravlja Maglaj, ljekara i medicinsku sestru da to učine. Ono što sam malo prije pročitao u «Avazu» da je mali stigao u Istanbul i ukoliko je provjerena informacija kako piše na portalu da je odmah podrvrgnut operacionom zahvatu. Nažalost zbog sujete naših ljekara nisu napisali preporuku da ide na liječenje u Trsku da bi troškove snosio Fond zato i jeste ova akcija, a troškovi su ogromni.

Negdje poslije nove godine 8.1.2018. godine u općini Maglaj je gostovao visoki gost, zapravo bila su dva gosta. Jedan od njih je gospodin Josip Juratović koji je četvrti mandat u Njemačkom Bundestagu, od koga se imalo šta čuti, sa njim je usputni gost bio gospodin Bogić Bogićević, nekadašnji član predsjedništva ex Jugoslavije. Nažalost malo da kritikujem vijećnike, bio je čovjek koji je četvrti mandat u Njemačkom Bundestagu, a nije bilo ni desetina vijećnika prisutna da čuje gdje se nalazi Bosna i Hercegovina i kako nam izgleda naš budući put prema EU ako ga uopšte bude bilo.

Jedan sličan događaj će se desiti 8.2.2018.godine o tim aktivnostima ćete imati priliku putem medija da dobijete više informacija. Radi se o tome da će gostovati uvaženi prof. Srića sa Zagrebačkog univerziteta. Samo da kažem radi se o digitalnoj transformaciji, vidjet ćemo lokaciju gdje će tačno biti održano. To je u saradnji sa JU Gimnazijom «Edhem Mulabdić» i gospodinom Adisom Mustabašićem, tako da će se i tu imati šta čuti. Pozivam vas da dođete i posjetite to predavanje.

Ono što bih htio još napomenuti neko je pitao i ja ću djelimično ponoviti s obzirom da je gospođa Botonjić rekla pored TB «Inženjeringa» još za dva postupka je pitano. Želim reći za postupak vezano za Berber Sabru. Dakle, gospođa je potpisala da li 2014. ili 2015. godine ugovor sa Fondom za pomoć poplavljenim, o kupnji stambene jedinice u Maglaju, ugovor sačinila sa Domom kulture ako se ne varam, a poslije toga se pojavili apetiti da bi htjeli drugi stan, veći stan u Zenici, prema tome Ugovora sa Fondom nema mijenjati, ukoliko ga sam korisnik ne promijeni sa Fondom, Općina Maglaj nije ta koja to može učiniti. Gospođa je preuzela novac uredno na svoj račun i nije opravdala onako kako se to zahtijeva ugovorom od strane Fonda.

VIJEĆNIČKA PITANJA I INICIJATIVE

Vijećnik Mustafa Bešić, problem dvije Mjesne zajednice Mladoševica. Domislica od početka Šehera u n/m Mladoševica, Domislica imamo problema sa bankinama. Ja sam jednom potencirao na tome to se nije nasipalo ima 15 godina. Tražim da nam se pomogne, ako je ikako moguće. Radi se o dužini 1 km do 2 km i nema tu puno bankine su 30 do 40 cm, ali su oštećene skroz. Kad naiđeš sa vozilom po 2, 30 cm je oštećeno.

Ja sam sa gospodinom Jurišićem isto razgovarao oko toga. Molim načelnika i Službu da nam pomognu oko toga, to je investicija od par kamiona.

Vijećnik Nedžad Lokmić, dvije inicijative:

1. Na prostoru Starog grada odnosno tvrđave, mi smo svjesni višegodišnjih nastojanja i ovog OV i načelnika da se oživi Stari grad da se iskoriste kapaciteti tvrđave. Predlažem inicijativu da se gore negdje na ulazu u tvrđavu, uz neku kuću postavi u saradnji sa Automatic Servis onaj aparat gdje bi se prodavali topli napitci, slatkiši itd. kako bi se eventualnim posjetiocima olakšao taj boravak gore. Također na istom mjestu omogućiti eventualno prodaju suvenira, rukotvorina ili bilo čega što bi pomoglo gore u tom dijelu.

2. Problem sigurnosti saobraćaja na području Bijele Ploče.

Ko je prolazio tim dijelom i te kako smo bili svjedoci brze vožnje neozbiljnih sugrađana, poligon za testiranje vozila su iz oba pravca i od džamije, odnosno marketa na Bijeloj Ploči i u pravcu Jablanice i Rječice, inicijativa da se barem na tom dijelu prema Jablanici koji je u nadležnosti Općine postavi jedan ili dva ležeća policajca, a ovamo na ovom drugom dijelu neka druge nekako pojačati znakovima ili kontrole vožnje.

14 sjednica završena u 16,41 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

